



光緒順天府志

藝文志
順天人著述
四三

ル 5
1481
63





門 儿 5
卷 1481
63

藝文志四

光緒順天府志一百二十五

順天人著述三

江陰繆荃孫纂

國朝

杜立德太傅詩選一卷

存

立德事蹟詳先賢傳劉正宗序其詩云杜子詩時而誼重嚶鳴則停雲諸什不足喻其篤摯也時而憂深民事則絲穀諸語不足寫其懇惻也時而登臨嘯咏攬物興思發抒懷抱則楊柳梧桐之句不足肖其光霽摹其冲夷也華而不靡廉而不劂跌宕而不佻激玉潤珠明規圓矩折杜子之詩其杜子之人乎則其詩亦可想見矣

趙士通易圖說



佚

士通明徵之父精於易學者稱潛夫先生見王士正趙明徵墓

志銘

孫承澤孔易

存

承澤事蹟詳先賢傳承澤以大象疏卦畫彖傳附彖爻傳附爻名曰孔易胡世安序之以行自序云余十年山居日抱一易初集朱子之說著易宗既而思之夫子一生學易至韋編三絕今觀夫子十翼以大象釋義皇之卦畫以彖傳釋文王之卦辭以小象釋周公之爻辭其所釋或卽三聖之意而釋之或推三聖之意而釋之或一釋不已再四以釋之或略加虛字詠嘆以釋之易固無不盡之旨於是專取夫子之易以求三聖之旨夫子

之旨有難明者細爲詮釋覺從前紛紜之論可以省除因成孔易一書西蜀胡菊潭先生見而稱善時菊潭著易史刻成因作一序欲併行之余不敢也罄此餘生之力以從事於此焉耳

尙書集解二十卷

存

承澤是書以蔡沈集傳爲主參以呂祖謙書說金履祥表注許謙叢說而力斥馬融鄭康成志在力尊宋學采書序弁每篇之首以補蔡傳之缺又以蔡傳考證失真者如璿璣之璿玉也誤以爲珠簡潔二河也誤以爲一洪範一篇有禹之經有箕子之傳乃俱以爲箕子之言此其失之大者皆或補或糾不爲苟同惟篤信古文獨異於朱子耳

九州山水考三卷

存

是書取禹貢所載山水分類相從山凡四十有三正導者二十有七雜見者十有六水凡四十有二正導者九雜見者三十有三附以澤九原隰十冠以水道會通源委皆首標其名而以所合諸水旁行斜貫引以烏絲略似族譜世系與地圖之式迥殊中多附論時事引明代諸人議論事實以相證佐如水利海運之類與經義多不相關蓋借事抒議不專爲注經設也

洪範經傳集義一卷

存

是書分禹疇箕傳以一五行以下爲禹疇以水曰潤下以下爲箕傳如五紀皇極五福六極等傳大約多依宋元諸儒惟三八政向無傳取朝鮮本實之朱彝尊嘗叩以親見朝鮮本否承澤

曰未也仁山金氏言之今仁山注無此文或承澤所見本異耳
詩經朱傳翼三十卷

存

承澤取小序與朱子之說並立每篇之首定其是非又就集傳略爲推衍以暢其旨然詆毛氏之罪謂不在王輔嗣下毛氏較齊魯韓三家詩最醜故獨傳其亦何罪之有此由尊朱子之過也未免失言矣

周禮舉要二卷

存

見承澤五經翼中

春秋程傳補二十卷

存

是書桓公九年以前全載程傳十年以後以經說補之經說所無採諸說補之中取諸新安汪克寬纂疏者居多纂疏卽明代春秋大全所本其書堅守胡安國傳則仍胡氏之門戶而已未必盡當程子意也又所補諸傳皆不出姓氏於原文亦多所芟改其桓公九年以前程子無傳者亦爲補之則是自爲一書特託名於程子耳

五經翼二十卷

存

是編雜取前人諸經序跋論說以類相次得易四卷書二卷詩四卷春秋六卷禮記二卷餘杭嚴沆益以承澤所著周禮舉要二卷共爲一編刊之其書採摭未備不及朱彝尊經義考之淹洽其自序云曩時海內藏書家稱泮中西亭王孫子官泮時西

亭已歿與其孫永之善因得盡窺其遺籍約十萬餘卷尤重經學中多秘本世所鮮見予雖困頓簿書日借其經學一類課兒輩鈔錄之攜歸京師壬午河決王孫之書盡沈洪流中賴予家猶存其什一至甲申之變予家玉島堂積書七萬餘卷一時星散無復片紙存者是歲秋冬僵卧城東魚藻池上書買荷書來售多予家故本封識宛然泣焉欲涕又中祕故藏狼籍於市間質衣物收之病廢之餘獨取諸書有裨經學者或錄序跋或錄論說久之成帙數年以來朝焉夕焉饑當食寒當衣孤當友病當藥石者惟此是賴禹航嚴子顯亭省母南還別予退谷因託而梓之以公同志

畿輔人物志二十卷

存

是書專志有明一代畿輔人物

四朝人物略六卷

存

是書自漢至唐宋為五卷全襲名臣錄之文明一代總為一卷皆用劉孟雷所為翊運碩輔名卿正學等傳為之

畿輔仙釋志

未見

見日下舊聞攷所引

益智錄二十卷

存

是書自周迄明凡聖賢名人言行可錄者詮次為二十卷而載明人事居三之一間有敘事之後附以論斷者承澤崇禎庚午

鄉試出姚希孟之門辛未會試出何如寵之門其附東林也甚

力故為萬厯天啟間諸人傳尤詳

山書十八卷

佚

見銷燬書目所錄皆明季雜事

典制紀略十五冊

未見

雜記古今法制名物多援引經史及百家之說而著其原委焉

天府廣記四十四卷

詳紀錄順天事之書

學典三十卷

存

是書所載皆歷代建學設官行禮講學科舉之事自虞迄明分

年編載惟前代僅居八卷而明代之事多至二十二卷如釋奠之禮凡各史志紀所載者皆未收入既載國子監學興廢創置而各朝學官之職學官之制又皆闕焉至泮宮習射及各經列於學官者如漢之石經唐之寫經石經後唐之鈔版卷中皆未言及而明代一切章疏毫無關於學典者乃一概濫入所以明代獨多也

聞者軒帖考一卷

存

是編所記自蘭亭而下至文徵明之停雲館帖三十有八種一考其源流品其次第書成於順治丁亥在庚子銷夏記之前故所記互有詳略

藤陰劄記

存

是編爲承澤講學之語共一百餘條大抵以程朱爲宗而深詆金谿姚江亦頗涉及史事

學約

未見

承澤輯周程張朱之言爲一編
學約續編十四卷

存

是編又以明薛瑄胡居仁羅欽順高攀龍四家之語仿近思錄之例訂爲一集以續之

考正晚年定論二卷

存

是書以王守仁所作朱子晚年定論不言晚年始於何年但取偶然謙抑之詞或隨問而答之語及早年與人之筆錄特欲借朱子之言以攻朱子不足爲據乃取朱子年譜行狀文集語類等書詳爲考正以宋孝宗淳熙甲午爲始朱子是時年四十有五其後乃始與陸九淵兄弟相會以次逐年編輯實無一言合於陸氏亦無一字涉於自悔因逐條辨駁輯爲是編考晚年定論初出之時羅淇先致書守仁所辨何叔京黃直卿二書已極爲明析是書特申而明之大旨固不出羅書之外

明辨錄

存

是書取諸儒闢佛之言彙載成帙上卷載昌黎原道及佛骨表而傅奕疏及太宗斥蕭瑀詔轉列於後其餘辨論陸九淵楊簡

王守仁之說者亦備記之下冊則皆諸儒語錄辨駁佛氏之學者

庚子銷夏記八卷

存 鮑氏知不足齋刻本 翻鮑本

是編乃順治十六年承澤退居後所作始自四月迄於六月故以銷夏爲名自一卷至三卷皆所藏晉唐至明書畫真蹟四卷至七卷皆古石刻每條先標其名而各評隲於其下八卷爲寓目記則皆他人所藏而曾爲承澤所見者故別爲一卷附之大抵議論之中間有考據如宋之錢時嘗爲祕閣校勘史館檢閱終於江東帥屬本傳所載甚明而承澤以爲隱居不仕此類亦頗失於檢點然其鑒裁精審敘次雅潔猶有米芾黃長睿之遺風視董道之文筆晦澀者實爲勝之存目別有研山齋墨蹟集

覽一卷法書集覽一卷卽此書之藁本也

春明夢餘錄七十卷

存 古香齋刊本 粵東翻刻本

是書首以京師建置形勝城池畿甸次以城防宮殿壇廟次以官署終以名蹟寺廟石刻巖麓川渠陵園似乎地志而敘沿革者甚略分列官署似乎官制每門多列明代章疏連篇累牘又似乎故事頗乖體例然於明代舊聞採摭頗悉一朝掌故實多賴是書以存且多取自實錄邸報與稗官野史據傳聞而著書者究為不同故考勝國之軼事者多取資於是編焉

退谷隨筆

未見

見

四庫總目孫炯硯山齋珍玩集覽提要

己亥存藁一卷

存

此編乃承澤順治己亥解官退居時所作

王世德崇禎遺錄一卷

存 鈔本

世德事蹟詳先賢傳錄中多記思陵善政如罷蘇杭織造毀錦衣衛非刑散逐玉熙宮伶人革僉商采辦之例內侍高采請開珠池立時誅死以及召見羣臣命太子侍立大旱詣中正殿曝日中跪禱多他記錄所未及又言宮人有夫人牌子常有大大答應小答應上皆正色以臨一無戲語卽田貴妃婉惠得上意未幾被譴退居啟祥宮以憂死又玉熙宮乃伶人所居非離宮

也卽娛情聲色不必親幸以斥吳祭酒永和宮詞琵琶行之謬
又謂內帑竭於天啟兵興以來取累朝銀器用輸局融冶以充
餉上有銀作局三字人所共見也錢糧解承運庫者有二金花
銀以供后妃金花宮中賞賚輕齋銀以爲勳戚及京衛武臣俸
祿其時皆無餘資此外甲字等十庫貯方物天財庫貯錢古今
通集庫貯書畫符券誥命東裕庫貯珍寶外東裕庫亦貯方物
皆無金銀也庫盡此矣以辨野史謂城破時大內尙有積金十
餘庫之妄皆職在禁中親所聞見宜可據信其於亡國舊君悃
款忠愛之意尤足尙焉又言內操教場名振武殿在北安門內
迤西而非萬歲山三月十八日開廣安門迎賊者爲煙閣所居
回人其獻太子二王於賊者爲太監粟宗周王之俊皆足以資
攷證

馮銓獨漉山房詩草

未見

銓事蹟詳雜人傳此書見涿州吳志

雷□□孝經廣訓

未見

毛奇齡序云北平雷徵君著大意以朱子爲宗

王崇簡冬夜箋記

存

崇簡事蹟詳先賢傳是錄成於康熙乙巳皆其隨筆劄記之語
所述格言多先儒名論亦間摘錄古事及同時耳目所見聞然
徵引舊籍皆不載其出典亦或偶然記憶未真如伯夷叔齊姓
名一條云出呂氏春秋及韓詩外傳今二書並無此文案論語

疏所引乃出春秋少陽篇也

青箱堂文集三十三卷詩集三十二卷

存刊本

崇簡練習掌故文皆雍容爾雅詩集編年為次始於天啟丙寅迄於

國朝康熙戊午則宋琬所刪定也

劉餘祐燕香齋文集四卷詩集八卷

存

餘祐事蹟詳先賢傳是集為其子芳喆所編每篇篇末皆有評語如坊刻時文之類後附行略

李孔昭秋壑吟一卷

存

孔昭事蹟見先賢傳孔昭愛陶詩晚自號潛翁跡其出處與靖節同詩格亦摹擬惟肖

金鎮清美堂詩集

未見

鎮事蹟詳先賢傳此集見陶樾畿輔詩傳七

王景祚用拙山房草

佚

景祚事蹟詳先賢傳此書見吳正治撰傳

劉瑞遠勤榮堂集八十一卷

存刊本

瑞遠字端伯號頓齋三河人順治乙酉舉人官至江南海州知州

頓齋權稿

存刊本

見三河陳志

方玉集

存刊本

見同上

胡兆龍息游堂詩集

未見

兆龍事蹟詳先賢傳此集見畿輔詩傳五

王熙文靖集二十四卷附錄一卷

存刊本

熙事蹟詳先賢傳是集為其子克昌所編凡奏疏二卷頌賦一

卷詩六卷文十五卷以自作年譜及行狀誌銘碑傳附錄於末

前有其門人張玉書吳震方二序又有朱彝尊序

郝惟訥恭定奏議五卷

存

惟訥事蹟詳先賢傳是集凡都察院奏疏八篇刑部奏疏五篇

禮部奏疏一篇戶部奏疏九篇吏部奏疏六篇其禮部請行釋

奠疏戶部稅銀款目疏皆註疏存部案字蓋當時同官公議而

惟訥具草故仍刻之私集也

袁懋功滇記二十三卷

未見

懋功事蹟詳先賢傳此書為懋功巡撫雲南時所輯

張能麟詩經傳說取裁十二卷

存

能鱗字西山順天人順治丁亥進士官至四川按察司副使其書以豐坊偽詩傳為主而旁採申培詩說及詩六帖以發明之宗旨先謬其餘亦不足深詰矣

峨眉志略一卷

存

能鱗曾任川南道因志之山舊有牛心石能鱗改曰洗心於峨眉形勝古蹟標撮甚略末附詩文數篇而自作乃登其二佛光解一篇命意雖善措詞則未能免俗也

儒家理要二十九卷

存

多采宋五子遺書分類編錄周子二卷張子六卷程子六卷朱

子十五卷書前各有小序一首本傳一篇中有正學論朱陸異同說並緒言主敬論皆能鱗已說也浙江采輯遺書目作十五卷

西山集九卷

存

是集凡文八卷詩一卷能鱗善談理學其詩文多率爾操觚體裁未盡合於古

羅森麻姑山丹霞洞天志十七卷

存

森事蹟詳鑒誠傳是編因明萬厯中左宗郢志而修第一卷為圖者八第二卷為攷者四第三卷為表者二第四卷為志者四第五卷為紀者五其餘藝文分七卷末則麻源附錄一卷從姑

附錄一卷育英堂附錄一卷姑山雜記一卷詩文補遺一卷
胡繼芳易經講義一卷

佚

繼芳字生華號淡雲三河人順治丁亥明通進士官至常州府
同知

晚香堂詩集

佚

見三河陳志

謝泰蓼集編

存

泰事蹟詳先賢傳此書見畿輔詩傳八

客中吟

存

見同上

張宏儼竹香堂稿

存

宏儼字容侯宛平人順治八年舉人

趙吉徵菜根堂詩卷

存

吉徵事蹟詳先賢傳王士正序之云先生為人慷慨負意氣好
交游重然諾其詩不取妍當時而翫麟之氣時露行墨間

紀元卧游山房稿

未見

元事蹟詳先賢傳此書見畿輔詩傳十三

劉芳躅留雲山房集

未見

芳躅事蹟詳先賢傳此書見涿州吳志

馮源濟恰宜樓詩

未見

源濟事蹟詳方技傳此書見涿州吳志

許世昌西巡奏議

未見

世昌事蹟詳先賢傳此書見宛平王志

王應徵廣嗣篇

存

應徵字心白宛平人崇禎辛巳歲貢此書見宛平王志

日省錄

存

見同上

米壽都吉士詩集

存

米壽都事蹟詳先賢傳王崇簡序其詩云吉士韶齡英穎傳其家學揮毫落紙所謂高山樾具蒼佩華纓有廊廟之容焉既而海內多故歌板蕩傷大東歛歔感慨之音作矣迄於今悲激淒閱纏綿引抑亦其發於情之不得已乎

查日乾春秋臆說二卷

佚

日乾事蹟詳先賢傳此書見查氏譜

史腴二卷

佚

見同上

僧德寶南北集

佚

德寶事蹟詳釋道傳此書見宛平王志

并在讞語八卷

未見

在事蹟詳先賢傳此書見黃叔琳青溪先生傳

講約六論解一卷

佚

見同上

天文纂要八卷

佚

見同上

麓蟬集四卷

存

見畿輔詩傳十二

合河署詩集一卷

未見

在補興縣時所作詩與卽唐河東道嵐州之合河縣也

鐵潭詩文集八卷

存

共詩六卷文二卷見畿輔詩傳十三

黃鸚鵡詩紅梨花詩落花詩各一卷

佚

見黃叔琳撰傳

蔣宏道采仲軒詩草

存

宏道字裕庵大興人順治十六年進士歷官都察院左副都御

史

劉芳喆拙翁庸語

未見

芳喆事蹟詳先賢傳此書見涿州吳志

戊辰偶筆

未見

見同上
贅言

未見

見同上

拙翁集

未見

見同上

蘇媚圯上吟

存

媚字依巖大興人順治十八年進士

劉文炤攬蕙堂偶存

存

文炤字雪舫宛平人明孝純皇太后之姪新樂忠恪侯文炳弟
文炳全家殉難文炤流落江表竟死高郵詩亦感時遭變慨歎
淋漓不自知其言之悲也

梁以樟印否集

未見

以樟字公林號鷓民大興人應澤子明進士官河南商邱縣知
縣按題名碑以樟為清苑人畿輔詩傳謂清苑縣志不為列傳
蓋以樟乃應澤子大興人而非清苑題名碑不應有誤或寄籍
清苑而仍住大興故大興志有而清苑無也

史可程淨叟詩集

未見

可程字赤豹號蓮庵大興人可法弟明進士官翰林院庶吉士

韓畱天樵子集

未見

畱字經正號石耕大興人靜志居詩話石耕善琴所操北音恥
作妮妮兒女子語終身不再娶游覽江湖以終今之牧犢子也
五律清穩頗足名家

辛民辛子詩集

存

民字霜翊又字先民一字巖公宛平人

劉獻庭廣陽雜記五卷

存 功順堂叢書本

獻庭事蹟詳先賢傳獻庭之學主於經世於天官地理六書九
數農田水利刑名錢穀陣伍壬遁無所不通其所為書均未成

陝西通志卷三十五
沒後弟子黃宗夏掇拾此記畧存其讀書著書之概
張崇德恆嶽志三卷

存

崇德字懋修順天人官渾源州知州北嶽恆山在渾源州城南
二十里自漢以後皆祠於上曲陽

國朝順治十七年以刑科都給事粘本盛之請改祠於渾源州部
議令山西撫司官吏詳察恆山遺蹟於時主其說者禮部尙書
王崇簡疏載所著青箱堂集中據紳耆之議以上達者卽崇德
也故輯斯志於祀典特詳曲陽飛石之僞亦辨之甚悉

胡介社谷園詩集

存

介社字循齋號茨邨宛平人以父蔭歷官河南按察使毛奇齡

稱其詩宗太白摩詰而得其正者

陳襄容堂詩

存

襄字若水號思庵文安人協兄官福建知府

何天寵紫來閣集

存

天寵字昭侯號素園宛平人康熙六年進士官吏部員外郎

井鑑半學山房詩鈔

存

鑑字待庵文安人康熙八年舉人官山海衛教授勵廷儀序其
詩云待庵先生品誼純粹學術宏博包羅今古寄興吟詠瀟灑
淡宕音節和平風人之旨溢於絃管

方峨嵒雪集

存

峨字嵒雪一字玉巖大興人康熙十一年舉人官江西新建縣知縣

邵瓊情田詞三卷

存

初名宏魁字柯亭大興人康熙己卯舉人官新河縣教諭遷山東昌邑知縣其填詞之學出於朱彝尊此集乃乾隆癸酉其子履嘉所刊也

苑瀛珊詩古文四卷

未見

瀛珊事蹟詳先賢傳此書載寶坻洪志

賈鎡賈氏族譜

存

鎡事蹟詳先賢傳按私譜例所不載然賈氏之書傳自金元章學誠謂其詳瞻有體鎡修於前鎡子澎復補於後子孫奕葉不忘家學修志乘者得以取裁世家大族尙其鑒諸

米漢雯漫園詩集

未見

漢雯事蹟詳先賢傳此集見畿輔詩傳

始存集

未見

見同上

張烈讀易日鈔六卷

存

烈事蹟詳先賢傳是書一以朱子本義爲宗謂易者象也言有盡象無窮伏羲畫爲奇偶再倍而三因重而六文周逐卦繫彖逐畫繫爻全是假物取象不言理不指事而萬事萬理畢具大旨在因象設事就事陳理猶說易家之不支蔓者前有其子益孫升孫紀實云此稿已刪潤四十餘過至易簣前數日尙合蒙引通典存疑諸書考訂知來藏往二義旋加改補云云則其用力亦可謂勤矣

王學質疑一卷附錄一卷

存

是書攻擊姚江之學凡分五篇一辨性卽理之說一辨致知格物之說一辨知行合一之說一爲雜論一爲總論其附錄則首

爲朱陸異同論次爲史法質疑通論史體次爲讀史質疑五篇一論明孝宗時閹宦之勢一論李東陽之巧宦一論宋史以外不當濫立道學傳亦爲王學而發一論王守仁宜入功臣傳而以明之亂亡全歸罪於守仁一論萬厯時爭東宮挺擊諸臣之非當王學極濫之日其補偏救弊亦不爲無功然以明之亡國歸罪守仁未免鍛鍊周內夫明之亡亡於門戶門戶始於朋黨朋黨始於講學講學則始於東林東林始於楊時其學不出王氏也獨以王氏爲禍本恐宗姚江者亦有詞矣門戶之見未除則愈論議愈生支節夫亦可以不必矣

攷堂文集二卷

存

烈篤守朱子之說故集中多講學之文然如朱陸異同論王學

質疑皆未免有鍛鍊周內之意不及其賈董同異論之持平蓋漢學但有傳經之支派各守師說而已宋學既爭門戶則不得不百計以求勝亦勢之不得不然者歟

紀昞桂山堂集八卷

存

昞事蹟詳先賢傳昞轍跡半天下所至皆有題詠故詩集甚富

有王企靖序

何林彌年集

存

林字雲壑宛平人歷官揚州鹽運使

陳寅主一堂集

存

寅字靖共大興人官知州鄧漢威詩觀云使君慷慨英華詩高

逸不羣

楊自牧潛齋軒稿

存

自牧事蹟詳先賢傳詩觀稱自牧詩英悍得邊塞之氣居多

許維祚六雪齋詩草

存

維祚字石園順天人

曹廣端初暘集

存

廣端字子正號玉淵大興人

曹廣憲石倉集

存

廣憲字思原號梅峯大興人

李曉梧臺集

存

曉字寅清宛平人

鄧林尹雪江草

存

林尹字虞山宛平人

王潔幽居山房稿

存

潔字汲公大興人

米漢倬尙書輯要

佚

漢倬事蹟詳先賢傳此書見宛平王志

墨飲齋詩

佚

見同上

寄草亭詩集

佚

見同上

井焜示兒話六卷

佚

焜事蹟詳先賢傳此書見傳山白衣山人傳

古文奇字一卷

佚

見同上

左傳各鈔四卷

佚

見同上

袖中簡一卷

佚

見同上

文安志二十卷

詳紀載順天事之書

遺詩二十卷

佚 詳讀易通言五卷

見文安楊志

幽貞賦一卷

佚

見同上

幽貞達旨一卷

佚

見同上

王源讀易通言五卷

存

源以易先後天河洛之說出於道家與胡先生渭之言若合符節而著此書以辨之方苞撰傳以爲十卷

或庵評春秋三卷

存

是書本名文章練要分六宗百家六宗以左傳爲首百家以公羊傳穀梁傳爲首然六宗僅左傳有評百家亦惟評公羊穀梁二傳而已

輿圖指掌

存

是書先以總論後分京省而每省亦各有總論以冠其端九邊卽附於北直山陝之後江防海防之要並詳於沿江沿海各省總論之中其於諸郡獨載建置沿革疆域形勝屬邑山川他若宮室人物無關於形勢者皆不錄而古人行事有足以證其地之輕重者皆附載焉又按其方域遠近山川要害皆畫爲圖

顏先生年譜

存

源取李塉所輯顏博野年譜稍易體例間有增益以成此篇
兵法要略二十二卷

存

分上中下三篇上篇則孫子諸家之說刈其繁而存其要用兵之方略也中篇則東伍營陳操練之方形名器甲之用車騎水陸接刃合戰攻城守壘之法也下篇則自春秋以迄於元古人用兵之往事也源後見武備志又擇其簡要適用爲昔所不及載者錄爲二卷附於中篇下篇之後曰補遺

平書十篇三卷

存鈔本

十篇者一曰分民二曰分土三曰建官四曰取士五曰制田六曰武備七曰財用八曰河淮九曰刑罰十曰禮樂爲文十有五

首分上中下三卷

居業堂文集二十四卷

存 武進管繩萊刊本 畿輔叢書本

源少作皆縱橫捭闔近於戰國策後從方苞游所作益堅剛雋永根柢於管荀脫化於曾王雖未能與苞抗行而亦如駉之靳矣

朱璘毛詩補音

佚

璘字卜年號毅庵歲貢好學寒暑不輟為文博雅尤工古詩旁通天文地理音律此書見通州高志

離騷注釋

佚

見同上

郭應元座右箴銘

佚

應元字乾一通州人陝西長安縣知縣此書見通州高志

蘊香集

佚

見同上

關中吟

佚

見同上

黃叔琳硯北易鈔十二卷

存

叔琳事蹟詳先賢傳是編用注疏本以程傳本義爲主雜采諸說附益之

宋元周易解附易解別錄

存

其書仿李鼎祚周易集解之例但哀諸說不加論斷然所采錄頗簡且書名旣題宋元而書中復錄子夏易傳語十數條未免失於斷限又宋時說易者如王湜易學林至易裨傳鄭汝諧易翼傳趙汝楫易敘叢書林光世水邨易鏡之類傳於世者尙多茲皆未錄而元人說易者竟未采一家其書未分卷帙亦無序目殆猶未成之本也後附易解別錄一冊竝旁采異說亦僅有宋而無元云

詩統說三十二卷

存

是編雜採諸家詩說分類鈔錄所摭頗爲繁富十四卷以前皆總論詩之綱領十五卷以後乃依經文次第而論之不列經文惟集眾說故以統說爲名云

周禮節訓六卷

存

是編名曰節訓蓋節錄而訓釋之也經文旣非完本所輯註文亦皆不著名氏

夏小正注一卷

存

夏小正一書原載大戴禮中自隋志別爲一卷宋傅崧卿始分別經傳而爲之注朱子沿用其例稍加考定附於儀禮經傳通

解中而未言所本元金履祥亦未見傅氏之書遂以爲朱子舊本採附通鑑前編夏禹元年下而句爲之注與傳頗有異同國朝濟陽張爾岐合輯傳注爲一編附以己說叔琳以傳注多相重複乃汰其繁蕪以成是注亦以己說附之其稱傳者大戴禮之文其稱注者履祥之說注中稱張氏曰者爾岐說稱案者叔琳說也其中如改種黍菽糜作菽糜而下菽糜作菽糜鹿人從引易卽鹿從禽丹鳥白鳥不主螢火蝙蝠及蚊蚋之說以匱爲蟬以納卵蒜爲二物皆與舊說不同

宋元春秋解

存

是編雜採宋元諸家之說而不加論斷前有總論凡例亦皆採集舊文

史通訓故補二十卷

存

是書補王維儉註所未及與浦起龍史通通釋同時而成而此本之出略前故起龍亦間摭用所稱北平本者卽此書也此本註釋不及起龍而不甚改竄猶屬謹嚴惟起龍於知幾原書多所回護卽疑古惑經之類亦不以爲非此書頗有糾正差爲勝之

硯北雜錄

存

是書上至天文地理下至昆蟲草木凡經史所載旁及稗官小說據其所見各爲採錄亦間附以己意大抵主於由博返約以爲考據之資

硯北叢錄

未見

是編卷首有魏兆龍序稱為叔琳巡撫浙江時罷官之後所偶錄皆雜採唐宋元明及近時說部亦益以耳目所聞見大抵多文人嘲戲之詞如諧史笑林之類或著出處或不著出處為例不一亦未分卷帙蓋憂患之中借以遣日而已

文心雕龍輯註十卷

存

考宋史藝文志有辛處信文心雕龍註十卷其書不傳明梅慶生註麤具梗概多所未備叔琳因其舊本重為刪補以成此編
崔恂徽垣吟

未見

恂事蹟詳先賢傳此書見儲在文撰傳
紀遶宜式倫堂集

存

遶宜字毅亭文安人康熙三十三年進士歷官吏科給事中

王煥憶雪樓集一卷

存 刊本

煥事蹟詳先賢傳所著有田盤紀游蜀裝蘆中澗上秋山嶮衡遊弁鄉前後寫憂及還庚諸集行世毛際可序云原本情性胞與民物萃數十年之精力出入于漢魏六朝唐宋元明間而語必已出求其一字之摹仿不可得朱彝尊序云詩自漢魏六朝唐之初盛中晚下及宋元明人體製靡所不合其用情也摯斯溫柔敦厚之教生焉紅豆樹館詩話云子千吟嘯林麓放情山

水家近田盤而羅浮豐湖又在其所治郊坳之內其登二山也
皆搽奇剔險窮極幽杳故其田盤羅浮二卷紀游二卷酷似酈
道元水經注而荔支詞七絕一卷尤爲膾炙人口其他佳句如
朝游五岳雲生屐夜度三江月入瓢人歸市冷愁藏虎畫靜簾
開好放蠅能詩易白愁中髮無酒難朱鏡裏顏苦茗力能消夢
境濁醪理可化愁城急補殘書如療疾細嘗佳釀當還鄉曲中
易顧周公瑾琴外難逢鍾子期憤深精衛思填海遇蹇牽牛恨
隔河跨下猶羞與噲伍禪中豈屑共伶居昔人所謂筆有餘力
詞無竭源子千有焉

王師旦文廟備攷

未見

師旦字叔萃歲貢生官容城訓導此書見寶坻洪志

南華注

未見

見甯河關志

年齒譜

未見

見同上

文集

未見

甯河關志云其寓海上時門人劉源崔體乾崔瑞麟存其語錄
三十篇寶而藏之學者稱曰盤峰先生

淑萃詩集

未見

見畿輔詩傳二十六

楊大年蘅香草

存

大年名允長以字行薊州人布衣寶坻洪志云大年漁陽詩人
遨遊山水間情往興來蒼茫欲絕為一時名流所咨賞朱秀水
日下舊聞王新城古歡錄往往採之

陳祥裔蜀都碎事六卷

存

祥裔本姓喬氏號藕漁順天人康熙中官成都府督捕通判採
蜀中故實為碎事四卷雜引諸書或註或否間附以考證按語
及前代題詠詩文復以所採未盡別為藝文二卷謂之補遺祥
裔所自作詩亦併列於唐宋名作之間

王兆符文集

未見

兆符源子康熙三十九年進土方望溪云兆符所排纂周官及
詩文若干卷蔣君湘帆編而錄之

紀暹宜五芝樓集

存

暹宜字廷亮號鈍翁文安人吳子康熙四十四年舉人官景州
學正

芮復傳衣亭詩草一卷

存

復傳事蹟詳先賢傳紅豆樹館詩話云衣亭天才雋朗學有本
原官錢塘時屢司分校所得皆知名士嚴海珊遂成其一也畫

仿南宗骨格蒼秀句如游法螺寺云松老身生甲風多響似潮
登江樓懷王仲宣云擇木有心纔去魏委身何事更依劉感懷
云癡能玩世原非傲清可傳家豈患貧岳陽樓云朱絃夜鼓湘
靈瑟錦纜晴看楚客舟皆有逸氣

查爲仁游盤日記

未見

爲仁事蹟詳先賢傳

花影庵雜記

未見

爲仁居獄中就白雲司葺板屋數間讀書其中榜曰花影庵所
記皆讀書有得之語

蔗塘未定稿六卷外集八卷

存

查慎行序其詩云猶子心穀從患難中發憤讀書所爲詩多與
古人相頡頏而出之宛轉蘊之遙深庶幾香草美人共成千古
陳鵬年序云蓮坡承其家學當險阻萬難時輒以詩寫其鬱勃
見之者咸以爲驚蓮坡獨能處窘而平之含毫渺慮雖凜凜懷
霜神明自勝其詩藹然廓然非涵養至深曷克致此

絕妙好詞箋七卷附錄二卷

存

查氏刊本 錢塘徐楫刊本 會稽章氏刊本

爲仁與錢塘厲鶚同撰絕妙好辭宋周密所編於南宋詞家去
取最善爲仁采摭諸書以爲之箋各詳其里居出處或因詞而
攷證其本事或因人而附載其佚聞以及諸家評論之語與其
人之名篇秀句不見於此集者咸附錄之會鶚亦方箋此集尙

未脫橐適遊天津見為仁所箋遂舉以付之刪復補漏合為一書宋詞多不標題讀者每不詳其事如陸淞之瑞鶴仙韓元吉之水龍吟辛棄疾之祝英臺近尹煥之唐多令楊恢之二郎神非參以他書得其原委有不解為何語者其疏通證明之功亦有不可泯者矣

詩餘紀事

佚

見厲鶚絕妙好詞箋序

蓮坡詩話二卷

存 查氏刊本

刊於絕妙好詞箋之後

查為義集堂詩鈔

未見

為義字集堂宛平人為仁弟歷官淮南儀所監掣通判工畫蘭

竹花卉

黃叔璥南征紀程

存

叔璥事蹟詳先賢傳是編乃其為監察御史時巡視臺灣自京師至閩所記始於康熙後壬寅正月而迄於是年六月分日記載

臺海使槎錄八卷

存

茲編乃康熙壬寅叔璥為御史時巡視臺灣所作故以便槎為名凡分三子目卷一至卷四為赤嵌筆談卷五至卷七為番俗

六攷卷八爲番俗雜記臺灣自康熙癸亥始入版圖諸書紀載或疎略不備或傳聞失真叔璣哀輯諸書參以目見以成此書於山川風土民俗物產言之頗詳而於攻守險隘控制機宜及海道風信亦皆一一究悉於諸番情勢尤爲賅備

南臺舊聞十六卷

存

是書詳述御史典故凡十三門每事各注所出之書頗爲詳備其曰南臺者據王世禎分甘餘話今都察院可稱南臺不可稱西臺語也

中州金石攷八卷

存

是書叔璣官河南開歸道時所輯成於乾隆辛酉所錄中州金

石自商周以至元明蒐採頗富然旣以十府三州分目則疆域井然不容牽溷而邠縣蘇軾蜀岡詩石刻第八卷內乃兩收之未免失檢又所載金石皆不著其存亡卽如自序中明言漢碑祇存其七而所載漢時金石乃至百二十種則是據前人所述概爲錄入其中重刻者傳疑者又不盡著其由來殊非記實之意又每種之下宜一一具載立石年月撰書人姓名其不可攷者則著其闕文方足徵信而是書或著或否則體例亦未畫一至於郡縣地名古今沿革之殊或前人著錄稱某碑在某州縣而今改其名者亦宜疏明以資考核如石梁今已爲縣而稱徐庶母碑在州城東之類尤端委未明是皆由輯書時未嘗親見原碑或據金石舊書或據郡縣諸志故也

廣字義三卷

存

宋陳普作字義凡一百五十三字孫承澤嘗為增訂叔璫復取陳涪北溪字義及程達原字訓合承澤所訂哀為一書每條之首題原字者普之舊題廣義者皆續增也

近思錄集注

佚

見先正事略

慎終約編

佚

見同上

既倦錄

佚

見同上

程可式來山堂詩鈔八卷

存

可式字松邨香河人康熙五十年舉人官河南河內縣知縣沈青崖序之云松邨先生蚤入藝林甫冠登賢書連不得志於有司與余同纂古今圖書集成十年散館後余改官西清越二年先生亦特擢舍人奉使西蜀事竣授河南縣令所蒞有聲未幾歸田丁卯冬晤於梁園乃增嵩雲涉江東野三集其志趣所尚情隨境遷性與理洽施之於館閣政教間適書籍瀏覽誰曰不宜

舒大成試墨齋詩集

存

大成字子展宛平人康熙五十一年進士官翰林院檢討沈德潛云大成五言應得力於唐賢三昧風味近劉昫虛不能用多能用少也

紀邁宜儉書堂集十二卷

存

邁宜字偲亭文安人康熙五十三年舉人官山東泰安州知州紀昀序其詩云偲亭伯少有大志功名氣節皆不欲居古人下而遭逢坎壈所往輒窮抑鬱憂愁一寫於詩上薄風騷下躡宋元無一不闖其奧

陳儀毛詩臆評

未見

儀事蹟詳先賢傳此書見符曾所撰家傳

鄉黨私記

未見

見同上

學庸私記

未見

見同上

直隸河渠志一卷

存

是編卽儀經理營田時作所列凡海河衛河白河淀河東淀永定河清河會同河中淀河西淀趙北口子牙河千里長隄滹沱河滏陽河甯晉泊大陸澤鳳河牝牛河窩頭河鮑邱河薊河還鄉河塌河淀七里海二十五水皆洪流巨浸也儀本土人又曾

身預水利諸事於一切水勢地形知之較悉故數陳利病之議多而攷證沿革之文少錄而存之亦足以參攷梗概也

南華經解

未見

見家傳

廣前定錄

未見

見同上

天游錄

未見

見同上

蘭雪堂集十八卷

存

于辰序云先生自為童子時已崇本力學卓然自命凡經史子集之編濂洛關閩之學天文地志河渠樂律之要兵刑錢穀之詳坐而言起而行者靡勿瞭如指掌而後以醞釀深厚者發為文章則先生之重於天下者不徒以文而其文之所以卓卓可傳者亦要不外於是也

陳學士文鈔一卷

存

此編皆議論直隸治水之文為吳邦慶別鈔彙入畿輔水利叢書者

賈澎耕餘集

存

澎事蹟詳先賢傳永清周志稱其記序論說文采斐然雖未得會通古人希風作者要其命意立志矯矯不同於流俗

姜順龍采鹿堂詩稿四卷

存

順龍字見田號麟玉保定人康熙五十六年舉人歷官四川按察使

子振翀愛萱齋詩草

未見

振翀字扶青號霽亭宛平人康熙五十年舉人官蔚州學正

胡捷讀書軒集

未見

捷字象三大興人諸生有讀書軒集蓮坡詩話云象三幼有神

童名十歲能詩文與余同硯席者三十年其詩清潤和婉時出性靈

紀恆藤花書屋詩草

存

恆字任甫號北峰文安人遜宜子諸生

紀遠宜蘭甕集八卷

存

遠宜事蹟詳先賢傳紅豆樹館詩話云可亭爲桂山徵君猶子兩宰劇邑政事之餘吟咏弗倦蓋得於家學者居多佳句五言如仙霞嶺云氣通閩海闊勢壓越山尊獨樹挂殘雪亂鴉爭夕陽路盤山百轉雲擁樹千重風翻鴉背雪石響馬蹄冰七言如倦懷想負丁年未隻影唵殘丙夜鐙金骨未成辭碧落朱顏易

老澗緇塵算來身世誰能了說到名場我欲愁宿火香温知夜
永隔窗竹響覺秋多酒難撥悶辭三雅夢擬游仙隔一塵蝶抱
夜香和露墜燕銜春色過牆飛隔水共邨通略約依山結屋盡
樓臺溪閣岸頭鳩婦雨江船帆腳鯉魚風皆超詣流暢使人讀
之往復流連不能自己

閒雲詞一卷

存

達宜最工倚聲名言側見橫出言盡而意不盡

陳浩文集一卷

未見

浩事蹟詳先賢傳此書見昌平新志

生香書屋詩集六卷

佚

詩五百餘首各體皆工陶冶性靈不卑不亢清剛雋上卓然名

家

恩光集一卷

存

賦頌詩三體合編皆應

制之作

楚帆集

存

浩壬申典試南行所作

鍾腕祭禮纂三卷

未見

晚事蹟詳先賢傳此書見王芑孫鍾先生事狀

春秋義疏

未見

見同上

春秋比事

未見

見同上

經說

未見

見同上

陳鳳友素齋詩

存

鳳友號鶴汀文安人雍正二年進士官廣東肇慶府知府

王祚禎音韻清濁鑑三卷

存

祚禎字楚珍大興人是書以金韓道昭五音集韻元劉鑑切字玉鑰匙與周德清中原音韻合為一書而以己意竄改之夫道昭書配三十六母鑑書配內外十六攝德清書則北曲之譜以入聲配入三聲祚禎既狃於方音併四聲為三混淆古法而乃屑屑然區分門目辨別等次非今非古非曲譜非等韻莫喻其意將安取

孫炯研山齋珍玩集覽

存

炯字挈庵大興人承澤孫是書取退谷隨筆中所論銅玉磁器

及筆墨硯紙石章文玩與刻板繡繪刻絲之屬益以炯所見聞編成此集炯自爲序其中論刻板一條稱其家有宋板本草綱目四函攷本草綱目乃明萬厯中李世珍所作安得有宋板也馬瀚唐句分韻初集四卷二集四卷續集四卷四集五卷

存

瀚字炎洲順天人其書以唐人詩句分一百七韻編次以爲集句之用初集二集兼取五言七言續集四集則惟取七言

張璿大學典祀彙考十四卷

存

璿字玉衡宛平人官國子監典簿是書自孔子而下四配十哲以及先賢先儒凡祀於大學者悉裒其言行各爲之傳然意在務博多失詳考如子夏易傳子貢詩傳皆後人僞作而引作事

實槩無辨正又歷代祀典如金石錄所載後魏太和元年立孔子廟延興四年太上皇帝祭孔子文之類皆佚不錄元設管句一官見元文類歐陽元序準此書附註百石史卒碑例亦所當收是亦不免於疎漏也

紀邁宜返吳吟

存

邁宜字碩亭文安人雍正二年舉人朱桓序云碩亭詩興酣落筆未嘗求工而襟懷瀟灑自有出塵之想

張如鉞蘭谷詩草

存

如鉞字彝伯號蘭谷宛平人雍正四年舉人官武邑教諭

張冲之素修堂詩鈔

存

冲之字道淵號退圃宛平人雍正六年賢良方正歷官河南南汝光道

何琇樵香小記二卷

存 守山閣本

琇事蹟詳先賢傳是編皆考證之文凡一百二十條論經義者居其大半亦頗及字學韻學其論六書頗與舊說異同如謂禿字當從禾會意說文謂人伏禾下固屬謬妄即六書正譌改爲從木諧聲亦非確論謂說文訓爲字爲母猴本末倒置當是先有爲字乃借以名猴謂射字從身從寸爲籀文象手持弓形之譌其說皆未免於獨創至其解春秋西狩獲麟解周禮奔者不禁解詩野有死麕亦時能發先儒所未發其學問大旨蓋出入

於閻若璩顧炎武朱彝尊毛奇齡諸家故多演其緒論云

邵大業讀易偶存十四卷

存

大業字厚庵大興人雍正十二年進士官江南徐州府知府此書於漢儒家言不取其卦氣之說於宋儒家言不取其卦變之圖大旨與平庵翫辭雲峰通釋爲近

謙受堂集十二卷

存

見畿輔叢書

李錯原易三卷

未見

錯事蹟詳僑寓傳此書見通州高志

春秋通義十八卷

未見

見同上

尚史七十卷

存

康熙中鄒平馬驥作釋史採摭百家雜說上起鴻荒下迄秦代仿袁樞紀事本末之體各立標題以類編次凡所徵引悉錄原文雖若不相屬而實有端緒錯是編以驥書爲藁本而離析其文爲之剪裁連絡改爲紀傳之體作世系圖一卷本紀六卷世家十五卷列傳五十八卷繫六卷表六卷志十四卷序傳一卷仍於每段之下各註所出書名其遺文瑣事不入正文者則以類附註於句下蓋體例準諸史記而排纂之法則仿路史而小

變之自序謂始事於雍正庚戌卒業於乾隆乙丑閱十六載而後就其用力頗勤攷古來漁獵百家勒爲一史實始於司馬遷今觀史記諸篇其出遷自撰者率經緯分明疎密得當操縱變化惟意所如而其雜採諸書以成文者非唯事蹟異同時相牴牾亦往往點竄補綴不能隱斧鑿之痕知鎔鑄衆說之難也此書一用舊文剪裁排比使事迹連屬語意貫通體如詩家之集句於歷代史家特爲創格較鎔鑄衆說爲尤難雖運掉或不自如組織或不盡密亦可云有條不紊矣至於晉逸民傳中列杜蕢狼暉鉏麴提彌明靈輒逆臣傳中列趙穿而不列趙盾亂臣傳中列卻芮瑕呂飴甥嬖臣傳中列頭須魯列女傳中列施氏婦子奪多所未允又諸國公子皆別立傳而魯宋蔡曹莒邾六國則雜列諸臣中叛臣傳中如巫狐庸叛楚入吳吳楚兩見公

山不狃叛魯入吳吳魯兩見已爲重出而屈巫見於楚不見於
晉苗賁皇見於晉不見於楚又復自亂其例如斯之類不一而
足亦未能一一精覈固不必爲之曲諱焉

曉巢詩前集後集

存 前集知通州杜甲刊後集知寶坻縣洪肇楸刊

錯詩風格不凡如唐人中最近儲王韋柳

江蘭社詩

未見

錯開江蘭社重葺宋史此編錄當時同人唱和之作

廌雅

未見

見通州高志

菊譜

未見

見同上

安鶴超結蘭吟

存

鶴超原名繩祖字曠仙號容溪昌平人寓居通州家徒壁立處
之晏如時鐵嶺李錯亦寓通設江蘭社校讎宋史月一會同社
者權古吟詩鶴超慕錯名造其門執弟子禮錯亦快得良友唱
酬甚富然所存不過什一曰結蘭吟易簣時命其子以遺稿屬
州孝廉馮維維其素契也維屬靜海元克莊序其詩付梓行世

華陽吳祖椿校

未見

見同上

幼學錄

未見

見同上三書皆元樞授徒之作

紀晉寶詩軒詩二卷

存

晉字公瞻文安人遴宜子乾隆三年舉人官江南甘泉縣知縣

田志蒼翹羽堂詩草

存

志蒼字東山號春曉大興人志隆弟乾隆六年舉人官甘肅燉

煌縣知縣

王鎬秋草詩一卷

存

鎬字樞五號若谷乾隆七年明通進士廣東永安知縣改臨榆

教諭此書見通州高志

田志隆研悅堂詩草

存

志隆字晉三號葛侶大興人乾隆七年進士官廣西全州知州

紀復寶樹新屋詩草

存

復字夢餘文安人遴宜子乾隆九年舉人

朱珪知足齋集二十卷

存

珪事蹟詳先賢傳紅豆樹館詩話文正少爲文深慕黃公石齋
又傳高安之學與叔兄竹君學士齊名人比之眉山蘇氏稱爲
二朱其在位也廉峻公誠數十年人皆仰之而愛才下士尤見
休休有容之度如汀州張孟詞武進黃仲則皆以文學見知於
其歿也猶惋惜不置其他文章經濟之士得公獎藉而成名者
必曰出石君先生門下以爲榮宏聲偉望海內翕然公於經術
無所不通漢儒之傳注氣節朱儒之性道實踐兼而有之知足
齋集中應

制諸作摛華揆藻實大聲宏泐泐乎朱絃清廟之音至於感物懷
人模山範水長篇險韻皆眞意流行錚然別開生面嘗自題詩
草云昌黎全詩三百八已駭怪變雄山河後來才大號蘇海萬
斛泉湧惟東坡偏師仄徑爭纖巧瑣碎蟲鳥奚足科蓋宗尙在
是故不覺筆端流露自道所得也

吳肇元桐華書屋詩稿十卷

存

肇元字會照號百藥大興人乾隆十六年進士官翰林院侍讀

劉士銘西湖詩一卷

佚

士銘事蹟詳先賢傳此書見朱筠撰傳

翁方綱詩附記

存

方綱事蹟詳先賢傳此書刻入蘇齋叢書

禮記附記

存

見蘇齋叢書

禮經目次

存

見同上

禮記毛本改誤

存

見同上毛氏之刻十三經繙明監本而已無所校讐且有監本不誤而毛本誤者方綱乃以舊本較之互參廣訂以成是編

儀禮毛本改誤

存

見同上

春秋分年系傳表一卷

存

見同上方綱以杜氏分傳於經有傳文未畢而以經文橫截之為摘出表於左

論語附記

存

見同上

孟子附記

存

見同上

經解目錄一卷

存

蘇齋叢書本 粵雅堂本
就通志堂經解原刻次第略舉卷帙原委以備檢查而已

經義考補正十二卷

存

自序云丙申春與丁小正晨夕過從相質諸經說見所校朱氏經義考積數十條錄存於篋後十二年秋在南昌重校是書欲彙成一帙而未暇也又後三年方綱按試曹沂登萊諸郡而門人王實齋來相助重加校勘因錄所補正凡千八十八條為一十二卷

十三經注疏姓氏一卷

存

刻入蘇齋叢書

唐宋以來三元考五十九卷蘇齋叢書未畢而以蘇文淵錄之未見

見復初齋文梧門科目故實二書序

元遺山年譜三卷附錄一卷

蘇齋叢書本 粵雅堂本 元遺山全集本

案方綱石洲詩話云遺山崛起党趙之後開啟百年來文士之派又稱其七言歌行真有牢籠百代之意陸務觀所不能到又稱其所謂乾坤清氣隱隱自負居然有集大成之想其推許已極年譜考訂綦詳癸巳崔立作亂羣小為建功德碑一事實遺山一生名節所關辨之不遺餘力然遺山金人也顧俠君選詩且以元人相目是非毀譽之來原聽之悠悠之口是在知人論世者折衷之耳汪本直墓道圖重修墓記略附後此書即汪本直所刊

米海岳年譜一卷

蘇齋叢書本
存 粵雅堂本

伍崇曜跋云方綱督學粵東時撰粵東金石略考訂綦詳而藩署九曜石藥洲米黻元章題字斯譜亦定爲元祐元年據石刻也而阮通志謂其誤連時仲等連名讀之考宋史海岳本傳以宣仁后藩邸舊恩補洽光尉熙甯八年浯溪刻石云米黻南官五年求便養得長沙掾方信孺米公畫像記云洽光尉口口入淮南幕温革跋米帖云元章元豐中謁東坡於黃岡蕭閑堂記云僕元豐六年識荆公於鍾山殷令名帖跋云戊辰集賢林舍人招爲茗雪之游淳化帖跋云元祐三年維揚倦游閣題據此則熙甯八年以前元章蹤迹在廣南所謂南官五年也八年以後元祐三年以前則在長沙江淮間安有元祐元年復游廣州題藥洲之理哉竊謂此題刻當在尉洽光時蓋廣州爲都督府

元章或以事至因游此耳然不能定爲何年故附於熙甯之末云而學使署九曜石舊傳有海岳詩然不可考先生嘗賦詩云不知米家詩句刻何處想在老榕巨根內又云未知老榕腳下字後來誰則代我摹迨道光六年十二月今大冢宰翁邃菴師時督學粵東浚九曜池因截榕根數尺濯而出之得五絕一首其文曰九口石碧海出蜃閣青空起夏雲瑰奇口怪石錯落動星文米黻熙甯六年七月六行三十一字爲從來金石家所未著錄則藥洲題字同爲熙甯無疑使先生早得是刻則金石略與斯譜當並詳之矣然譜內熙甯七年一條已明言其云南官五年由熙甯八年以前計之則自熙甯四年辛亥以後皆官於南矣

兩漢金石記二十二卷

存

最兩漢金石文著錄者二百八十有六先以年月表冠於首有年月可考者一百有十四無年月者以敘於後考證詳明敘述淹雅爲金石學者所必讀之書體例一準洪氏隸釋而精博亦相亞

粵東金石略十一卷

存 蘇齋叢書本

方綱典學粵東八年搜羅金石彙成此編敬錄

宸翰二十八條卷首次廣州府金石六十七種爲第一卷次廣州南海神廟金石六十七種爲第二卷次廣州清遠禺峽山諸刻三十九種西樵山二十六種爲第三卷次韶州府金石二十二種爲第四卷又二十六種爲第五卷又韶州碧落洞諸刻二十

四種南山諸刻二十七種泐溪石室五種爲第六卷次連州金石四十四種爲第七卷次肇慶府七星巖諸刻六十二種三洲巖諸刻十五種陽春巖二種爲第八卷次肇慶府金石十種惠州府十三種潮州府三十三種嘉應州二種高州府三種廉州府一種雷州府五種瓊州府十三種爲第九卷最後附九曜石考上下二卷凡九曜石諸刻二十八種凡粵東金石著錄者五百六十二種爲卷十有二爲紙一百九十四頁

金陵石刻記五卷

未見

見祕閣集六詩小注

焦山鼎銘考一卷
存

是書以張山來焦山古鼎考僅据寺中石刻為之譌舛頗多因取門人謝啟昆拓本重加考定次錄諸家釋文逐條辨證正其是非又以諸家詩歌之有關考據者殿於末錢大昕跋云可與汪士鋐瘞鶴銘考竝傳千古是其稱引繁博辨證詳明實足以羽翼經訓非徒補正張氏書已也近日阮氏積古齋鐘鼎彝器款識亦載此銘其釋文作廟作燔作入門作鴻作道作虎方作帶東作攸作魯作割作眉惟九行字釋文遺落餘與此書大略相同今竝錄之俾博古家有所折中也

蘇齋雜記八卷

存 稿本

草稿存方比部孝傑處皆考訂書畫金石

蘇米齋蘭亭考八卷

存

伍崇曜跋云自姜夔撰禊帖偏旁考桑世昌撰蘭亭考俞松撰蘭亭續考言禊帖者宗焉先生復撰此書王蘭泉蒲褐山房詩話稱其精心績學剖析毫芒幾欲駕昔人而上之洵不誣也又稱先生書初學顏平原繼學歐陽率更隸法史晨韓勅諸碑然一生心力所注尤在禊帖故復初齋文集有跋薺原曹侍郎所收趙子固落水蘭亭卷二首續跋陳伯恭所收定武蘭亭卷後一首跋國學蘭亭一首跋褚臨蘭亭王文惠本一首跋蘭亭領字從山本二首跋張笠城所得玉枕蘭亭石一首跋慈溪姜氏蘭亭一首自跋審正萬松山房縮本蘭亭一首今復讀此書益知其生平服習窮幽極微即論書法於

本朝亦當高據一座有由然也

晉楷偶記

存

刊入蘇齋叢書

蘇齋唐碑選一卷

存 思進齋叢書本

是編選唐碑五十種率更書化度寺碑永興書孔子廟堂碑率更九成宮醴泉銘褚河南孟法師碑張長史郎官石柱記率更小字千文虞恭公碑皇甫君碑永興破邪論序河南度人經陰符經樂毅論海字本辭少保書昇仙太子碑并碑前年月唐元宗御書泰山銘後年月一行褚河南倪寬贊孔祭酒碑褚河南伊闕佛龕記柳諫議李西平碑李北海端洲石室記陳諫南

海神廟碑顏魯公宋廣平碑側宋廣平碑茅山李元靖先生碑殷君夫人碑元次山碑金天王廟題名中興頌竇懷哲書蘭陵公主碑褚河南書房元齡碑鴈塔聖教序記張阿難碑莒公唐儉碑袞公段志元碑柳子寬書諸葛祠記并陰竇叔向碑于志甯碑張嘉貞書北嶽廟碑爲上昭仁寺碑王居士輒塔銘柳書護命經河南書小字千文王士則書李寶臣紀功頌碑御史台題名郎官題名王知敬書嵩山武后詩虞書奉三日帖褚書奉五日帖徐嶠之書姚彝碑沮渠書老君祠碑甘道士書明皇敕爲次皆教人習書之法蓋方綱書法專法率更論議亦不外此蘇詩補注八卷

存

是書詳考施顧二家蘇詩注本知查他山所補或有未盡於是

舉原注所有者攬殘拾墜間附已說門人曹振鏞錄成是編

復初齋文集三十四卷

存 刊本

是集爲門人侯官李彥章刊於閩中文分體類編而自卷十六至末均書籍金石書畫題跋居全書之強半其學術旨趣已可概見至於金石論斷本其專門而爲賞鑑家之考訂故往往論及書法中考訂論三篇曰考訂之事必以義理爲主頗詆惠定宇閩百詩諸人不知考訂之學是非之所在卽義理之所在非必先有義理後有考訂也覃谿是論頗爲失中然生平收藏旣富當世名流鮮不結納見聞淹雅采取精詳北學之中究推巨擘矣

復初齋詩集六十二卷

存

詩分年編錄曰課餘存藁曰藥洲集曰青棠書屋集曰寶蘇室小草曰祕閣集曰石蘭集曰枝軒集曰祕閣直廬集曰桑梓掄才集曰晉觀稿曰谷園集曰石墨書樓集曰小石帆亭集曰蘇齋小草曰嵩緣草曰有鄰研齋稿曰石畫軒草方綱服膺東坡才氣橫溢而金石書畫諸題以考据入韻語亦覺左宜右有無牽繩湊韻之弊由其學富是以筆精尤與竹垞相近

栖霞小藁

存

見蘇齋叢書

嵐漪小藁

存

自序云乾隆丁未秋按試南康郡郡在廬山東南由德化入星子必經山之隘口而試院在山麓日與湖中落星石對予以七月十四日入隘口飯瞻雲寺比試竣以八月二日宿秀峰寺明晨遊萬杉栖賢午到白鹿洞書院又明日竝五老峰東北度吳章嶺至九江此廬山之陽經遊大略也中間數詩試院作合前後入山出山凡得四十八首不曰匡廬小草而曰嵐漪者落星石上舊有嵐漪軒見山谷外集注蓋宋龍圖閣學士吳仲庶所顏者今其址廢已久予因書嵐漪二字扁於試院後軒茲集所以志也前數日皆陰雨出山後亦稍稍雲而風惟入山二日朗霽無點翳山光水翠豁然與目謀又嵐漪之貺我也此行僅山之陽故不敢以匡廬名云

青原小藁

存

見蘇齋叢書

志言集

未見

自序在復初齋文集於唐得六家宋金元得五家鈔爲一編名曰志言蓋取虞書詩言志之義也

詠物七律偶記

存

選七律詩之詠物者

七言律鈔

存

鈔唐人七言律詩以爲學詩者之規臬

小石帆亭五言律續鈔八卷

存 粵雅堂叢書本

方綱論詩私淑漁洋是編續漁洋五言詩鈔總唐宋金元二百十一首南海伍崇曜得其手書略例暨總目十數葉按目寫出而刊行之

石洲詩話八卷

存

方綱視學廣東試諸郡時每與幕中學侶論詩有所剖析隨手劄記積得五百餘條報滿歸署又日與諸生藥洲榕石間申論諸家各體又得八百餘條入都時草稿失去葉雲素農部於書肆購還又增評杜一卷附說元遺山王漁洋論詩絕句兩卷共成八卷題曰石洲志始也

小石帆亭著錄六卷

存

自序云石帆亭者漁洋先生論詩處在新城里第池北書庫間昔吾邑黃崑圃先生受學於漁洋至視學山東役竣猶親執經問業於此方綱幼及崑圃之門輒心慕之後四十年而方綱視學於此竊思漁洋先生以詩學沾溉後賢顧後來受其膏馥者或往往厭薄先生蓋始於趙秋谷後人所聞不逮秋谷而亦轉效之實則先生言詩窺見古人精詣誠所謂詞場祖述江河萬古者矣方綱幸得承先生門牆緒論復得與學人訓故齊魯之間急以闡揚先生言詩大指爲要務輒因新城新刻古詩平仄論而推廣沿溯約爲書六卷使院四照樓前有石焉旁有水亭因題以小石帆而竊比於著錄之義

張模貫經堂詩鈔

存

模字元禮號晴溪宛平人乾隆十七年進士歷官吏部稽勳司郎中紅豆樹館詩話晴溪先生主講天津問津書院教士讀書務為根柢之學生平精鑒古商周彝器偏傍款識均能辨晰書法南宮嘗摹刻貫經堂米帖行世亦來禽戲鴻之亞也詩琅然清圓不失雅音

王繼燿不自收拾集二卷

存

繼燿字鸞坡號澹山大興人乾隆十七年舉人官贊皇縣訓導達椿序其詩云先生少負不羈之才博極羣書歷游齊豫江淮涉湖湘走黔中凡數千里性嚴正高氣重義讀書無間寒暑詩

根柢三唐出入宋元諸大家以神韻勝不以刻畫為工

紀淑曾漢皋集

存

淑曾事蹟詳先賢傳王昶序其詩云秋槎太守與余為同年友漢皋集詩如披蘭臺之風發明耳目而甯體便人也秋槎政事之餘襟懷蕭曠江山助之世有采楚風者必以是為冠

查善長鐵雲詩藁

佚

善長事蹟詳為仁傳此書見查氏譜

朱筠笥河詩集二十卷文集十卷

存
刊本

筠事蹟詳先賢傳紅豆樹館詩話笥河學士閱通博覽名滿海

內一時奇才異能之士趨風景附若斗之有杓公毅然以文章風義爲己任闢椒花吟舫與客讌游覃研文史坐是以積勞卒未得展其所蘊姚姬傳太史稱其慷慨論事摩厲講學不第欲爲文士誠篤論以詩集刊於嘉慶癸亥皆石君相國手爲讐訂跋中稱其排冪生創龍翔虎躍雖恢奇萬狀而無一字一韻不歸於妥帖然先生文章志在起衰才力所及卷軸佐之甯使絕幽鑿險別闢畦町斷不稍蹈康莊致流平易學者昧其源委或以鉤章棘句相誚則沒作者苦心矣

查善和二十一史然疑必識

佚

善和字用咸號東軒宛平人爲仁子此書見查氏譜

東軒詩草

未見

津門詩鈔云東軒學問博雅善自韜晦好吟詠所著甚多

呂淙秋岡書屋詩鈔

存

淙字亭育號石符三河人布衣

王一貫魯齋詩

存

一貫字魯齋大興人諸生方苞序其詩云魯齋詩大抵遨遊於山水之間嘯歌自適不事剽盜氣平而旨遠其傳誦於閭里固宜其行孝弟忠信其經濟藝術知名於時惜乎其沒也

王大鶴鳴笠山房詩集

存 刊本

大鶴事蹟詳先賢傳此書系大鶴自刊愛吾廬詩及思存集詩
文則未行世也

毛毓麟蕉窗筆記

存

毓麟字子昭庠生此書見通州高志

養拙堂詩文集

存

見同上

孫維龍黟縣志

未見

維龍事蹟詳先賢傳此書維龍官黟縣時所修

樵貴谷詩選

未見

維龍在黟擇邑中自金迄

本朝之詩

邵自鎮夷白山人行卷一卷不須編一卷

存

自鎮字尹東號笠塘宛平人乾隆二十六年進士官大名府教

授

邵庚曾香消詩草一卷

存

庚曾字南淑號湘芷一號象芝宛平人自鎮子乾隆二十六年

進士歷官山西鴈平道

使黔草一卷

存

見畿輔詩傳四十四

消寒集一卷

存

見同上

祝漕鴈門草一卷

存

見同上

董觀光牧亭詩草

存

觀光字牧亭寶坻人乾隆二十七年舉人官江西試用知縣

雷鑄古經服緯

存

鑄事蹟詳先賢傳

韓瑞錦詩藁一卷

存

瑞錦字鳴璜通州人

劉錫信歷代地理志考證

佚

錫信事蹟詳先賢傳錫信取諸史地理志參稽史傳旁徵金石文字及古今水道地輿諸書訂其譌舛仿宋王伯厚漢藝文志考證之例作歷代史地理志考證卷帙浩繁迄未卒業至今惜之

潞城考古錄

詳紀錄順天事之書

歷代諱名考一卷

存

自序云避諱之說殷商未之前聞也左氏曰周人以諱事神名終則諱之故避諱斷自周人始然克昌厥後駿發爾私形諸雅頌歌於朝廟殆所謂臨文不諱者歟晉以僖侯廢司徒宋以武公廢司空始以諱改官制矣魯以獻武廢二山始以諱改地名矣秦漢而降避諱益詳其初避帝名既而漸及中宮漢雒晉春是也既而并及儲貳北齊廢帝隋之煬帝俱在青宮卽已更改郡縣名號唐因章懷亦易崇賢之館自時厥後追尊之帝與握符御宇者不殊割據之君與統一函夏者無別或子孫推崇其先世或偏隅各奉其聲靈莫不敬避名字更易舊文夫周秦二漢避正名而已隋唐已來并及嫌名至宋而嫌名之避益繁每

一帝嗣服應避者多至十許字凡文字中援引書史追改前代人名如荀勗稱孫勉之類幾於不可辨識或亦濫觴之過歟我

朝

廟諱

御名止避正字舉凡同音之字概不令避一弛唐宋嫌名之禁比來

宏開冊府甄錄遺編凡諸書中如公孫平津鄭康成等名字皆直書本字敬缺末筆仰見

聖度淵涵大公至正迥非近古所及歟第前代著述家如年號諡法之類皆有專輯之書惟避諱更改名物至夥向無專書紀錄斯亦藝林之闕也僕偶從往籍留意搜討哀而集之類分十二間附鄙見援引證據輯成歷代諱名考雖掛漏孔多亦足爲識

小之一助云荃孫按周廣業有避諱考四十卷搜采極博錫信未及見周亦未見錫信書也

菱溪筆記

未見

見通州高志

煮石山房詩稿

未見

見同上

李蔚嵐秋山房賸稿

未見

蔚字青岑大興人乾隆三十一年進士官廣東潮州府知府

紀承曾紫藤書屋詩草

存

承曾字儀祖號羣玉文安人乾隆三十三年舉人

紀曾藻文集

佚

曾藻事蹟詳先賢傳此集見王延襄撰傳

晴香書屋詩藁

存

畿輔詩傳選其詩

小癡遺藁一卷

存

黃世發序其詩云小癡學富才贍下筆千言立就其古在氣其俊在骨所謂才人之作非僅詩人之作也

劉塏宦游草一卷

存

塏字爽亭通州人乾隆三十五年副貢歷官雲南大理府同知包懷留香書屋小草

存

懷字素心大興人乾隆三十六年舉人歷官廣東鹽運使

邱庭滢芝房臚稿

存

庭滢字芝房宛平人乾隆三十七年進士歷官山東布政使

李維寅廉餘詩集二卷

存

維寅事蹟詳先賢傳紅豆樹館詩話先生官粵西治行卓然以

詩爲餘事然精藍巖洞留題幾徧多雄渾激壯之氣銅鼓一歌尤波瀾橫溢具體韓蘇五言如晴雲開碣石積氣湧辰韓洞穿平地出風拓衆山來寒峯餘翠色野鳥自閒聲涼生收雨後秋在放船時露光浮草白燒影入雲青七言如戶外寒聲零舊雨嶺頭歸信問殘梅凍雲流影分寒色遠樹無聲鬱暝煙折柳亭邊頭半白落帆江上月昏黃欲問青天攜謝眺慣吟客路似王灣尋詩古驛苔生壁吹角斜陽客倚樓皆方虛谷所謂律髓也查禮漢印譜

未見

禮事蹟詳先賢傳禮嗜古印章金玉銅瓷自吾子行王厚之而下名人鐫刻者無所不備藏弄至有千餘印譜以行

銅鼓書堂三十二卷

存

是集詩二十卷文三卷紅豆樹館詩話蓮坡居士闢水西莊館大江南北之彥時恂叔甫弱冠每有倡和出語已驚一坐洎官京曹輦下名士咸與攬環結佩文酒之讌無日無之銅鼓堂集清新婉約出入王孟韋柳間者出守粵西以前作也登山臨水慷慨振刷駸駸乎闖杜陵之室者滇蜀軍興馳驅戎馬間作也清而能腴雄而不肆誠與蓮坡居士異曲同工而驅役卷籍刻畫性靈之處殆欲突過伯氏嗜畫梅跋語附見集內儲藏唐宋人名蹟及金石碑刻最多

王毓桂粵游吟一卷

存

毓桂字秀子號畏堂寶坻人此詩皆遊歷粵省所作

竹香樓詩一卷

存

見畿輔詩傳四十七

邱桂山依綠山房詩賸一卷

存

桂山字依千宛平人庭樹子乾隆四十年進士四十一年召試授內閣中書歷官廣東潮州府同知

查誠天游閣雜著

未見

誠字衛中號靜巖一號海漚宛平人善和子乾隆四十二年舉人官郎中此書見查氏譜

天游閣詩集

存

津門詩鈔海漚詩酒自娛有蓮坡遺風起小園疊石蒔花殆無
虛日積書萬卷無不披覽妾程亦能詩

邵自昌世麟堂詩二卷

存

自昌號楚帆大興人乾隆四十三年進士歷官都察院左都御
史

王天祿蓮芳賸草

存

天祿字石渠號一齋大興人乾隆四十三年進士官福建福甯
府知府

張中正倚雲軒詩鈔

存

中正字貞一號凱園宛平人乾隆四十五年舉人歷官廣西慶
遠府同知

芮熊占蕉亭閒詠一卷

存

熊占字飛菴寶坻人乾隆四十五年副貢陳雯序之云清和淡
遠泠然而善悠然而不盡李光庭序之云詩抒寫性靈發響天
籟出入於香山放翁之間

王振緒澹園草

存

振緒號蕙圃寶坻人乾隆四十八年舉人官蔚州學正
查彬湘鄉漫錄

存

彬字憩亭宛平人爲義孫乾隆四十二年進士歷官河南信陽州知州

采芳隨筆二十四卷

存 嘉慶十九年刊本

例言花譜始於陳肥遯全芳備祖繼以王蓋臣羣芳譜廣集詩詞故實兼敘種植療治之方採擇亦云博矣是編稍辨其形識其性錄其題詠其前人詩詞之富者集隘未能盡錄姑從割愛其缺略者則收近世之作以補之故名曰采芳隨筆分爲二十四卷首花部餘植物分爲八屬近時所賞玩而前人不經見者如夜來香晚香玉諸花經俱未載風蘭秋牡丹淡巴菰歷代俱無題詠今一一補採輯之皆雜記詩詞間有考訂

小息筋詩草

未見

見查氏譜

翁樹培古泉彙考八冊

存 鈔本

樹培事蹟詳先賢傳此書寫本八帙厚幾盈尺樹培竭數十年心力考證至精聞其見一泉幕卽能知其面文幾於十不爽一其於北宋泉一點一畫罔不析及毫釐或隸與正書配或篆與行草配分爲若干種斷爲各冶之別自云於北宋泉竭十餘年之功旁搜博采方得確證但此冊無圖而錯落極多且有信手所記未經刪定者樹培曾請觀永樂大典終日手自鈔寫凡稍涉泉幣者無不采入故卷首尙列燧人氏一條云見通志前編

並路史是時甫有火化遽以鑄泉尙沿前人之誤

比部遺詩一卷

存鈔本

紅豆樹館詩話云詩排冪安帖比之蘇氏斜川不失長公家範
舒位瓶水齋詩集十七卷附錄二卷

存

位事蹟詳先賢傳趙翼序云開徑如鑿山破下語如鐵鑄成無
一意不奇無一句不妥無一字無來歷是真能於長吉玉谿八
又之外別成一家法式善序云諸體之中七古尤勝前無古人
後無來者非浸淫於三李二杜者不能龍鐸序云他人之詩有
六義鐵雲之詩兼有三長他人之詩有四聲鐵雲之詩兼有五
聲他人之詩有宋唐元明鐵雲之詩則兼有離騷八代

月底修簫譜

存刊本

前繪圖後自度曲

章宗源隋書經籍志考證

存史部十二卷

湖北崇文書局刊本

宗源事蹟詳先賢傳是書仿王伯厚漢書藝文志考證而作按
隋經籍志逸目分書編輯而以己意折衷之間補隋志未收之
書亦遵王伯厚例惜今僅存史部矣

邵葆醇韞華吟舫詩鈔一卷

存

葆醇字睦民號松疇宛平人庚會子乾隆五十五年進士歷官
福建台灣府同知

王殊渥且住爲佳軒詩二卷

存

殊渥事蹟詳先賢傳詩不多作然抒寫性靈時多佳句如宦情閒似鶴人意懶於春山枯春意晚人少爨煙寒散衙朝判牘聽雨夜鈔書移花醒蝶夢轉枕聽春潮孤鐙聞鴈夜小雨落花時霜從昨夜降寒覺異鄉多雨昏邨入畫廟古樹生鱗邨酒淡無色壁鐙寒有花挹其風味皆淡而彌旨也

周廷俊味雪廬詩藁

存

廷俊字子及號茶農宛平人乾隆五十九年舉人官廣西馬平縣知縣李雲章序云周丈狀貌瑰偉秀韻在中詩文書翰高簡有法嘉慶戊辰里議留粵賃屋杉湖與子過從無間郡中文士

咸樂與遊君所撰著亦由是益進

雷學海靖遠堂詩文集

未見

學海字澹支罇長子乾隆六十年進士廣東雷州府知府此書見通州高志

雷學淦百壽圖考

未見

學淦字湘鄰罇次子乾隆五十九年舉人江西義甯州知州此書見通州高志

結鄰集

未見

見同上

田籍篤慎堂詩集

存

籍字千畝號致亨大興人志勤子乾隆六十年舉人貴州候補知縣

查涪靈渠紀略三卷

未見

涪事蹟詳先賢傳涪少隨父在粵西講求水利手著此書

湘灘合藁

未見

此亦在粵西時所作詩

蜀游詩鈔

未見

此宦四川時所編詩

梅舫詩鈔

未見

見正雅集小傳

黃掌綸春倪草堂詩一卷

存

掌綸字展之號吟川大興人官國子監典籍墨香居畫識云吟川幼沈潛篤學尤酷嗜金石文字詩學杜樊川許下卯行楷書俱有古致旁及繪事師法荆關用筆嫺潤布置寬閒有大家風格

李延坪爲政十要

未見

延坪字春旭密雲人此書見密雲丁志詩集

未見

見同上

邵廷杰清吟集詩鈔三卷

存

廷杰字雪樵甯河人諸生

趙庭荃湘三詩稿

存

廷荃號湘三涿州人貢生

穆得元詩集

未見

得元字東軒工詩李光理稱其有盛唐諸老遺風

查樞北亭遺草

未見

樞字口口宛平人優廩生官雲南建水縣知縣工畫能詩此書

見查氏譜

曹顯宗脈訣一卷

存 刊本

顯宗字思皇通州人嘗得異授精岐黃術然不樂泛應人亦不敢輕致遇沈疴固請乃至至則往往奏效此書見通州高志

覘仙唱和詩一卷

佚

見同上

樊鎮羣賢碎玉集

未見

鎮字主實通州人工書畫尤精山水自號煮石山人此書見通

州高志

鶴唳編

未見

見同上

王立藻韻琴館畫稿

未見

立藻字文田善寫意花鳥賦色妍潤山水學南田晚年號雪蕉

居士畫愈蒼秀鄉人多學之此書見通州高志

吳邦慶畿輔河道水利叢書十三卷

存

邦慶事蹟詳先賢傳是書首列陳儀直隸河渠志一卷陳學士

文鈔一卷徐貞明潞水客談一卷怡賢親王疏鈔一卷水利營

田圖說一卷亦怡賢親王開墾水田時所繪畿輔水利輯覽一

卷澤農要錄六卷畿輔水道管見一卷附水利私議皆邦慶所

自撰也邦慶生自水鄉深知疾苦濡染於陳學士儀之緒餘搜

訪夫怡賢親王之舊迹思摩綜今古推廣溝洫水利旣興水患

永去甦桑梓之疾苦興畿輔以富強用力搜采最為淹博前五

種每種有跋皆詳論夫今昔異勢及可行不可行之端不強為

異同不輕為附和是有心得豈同夫口給也水利要覽輯宋何

承矩元虞集等之論皆治水成規之可節取者澤農要錄稽魏

賈勰元王楨等之書皆明農成法之可參考者河道管見水利

私議則邦慶言其所見改河道開水田籌資本平租仔經畫井
并不爲無益之談雖今時易勢殊今去邦慶之時較邦慶去儀
猶爲縣遠所論未必盡屬可用然留心畿輔河道者必以此書
爲總匯焉

邵葆祺司勳存稿一卷

存

葆祺字壽民號嶼春大興人大業孫嘉慶元年進士歷官吏部
稽勳司員外郎紅豆樹館詩話云壽民與張船山太守友善船
山題其詩集比之長爪郎玉川子又曰我愛君詩無管束忽然
兒女忽風雲今觀存稿頗雅令安帖斤斤矩矱不甚鞭驅險句
也君先世系出浙之餘姚二雲學士於君爲叔父行嘗受業門
下蓋深得其指授云

紀淦豆花齋詩集一卷

存

淦字秋水號幼海文安人嘉慶三年舉人官山東萊蕪縣知縣
淦早負文譽尤工詩造格遒勁出語幽怨短律長歌悉臻精妙
文安紀氏能詩者十餘家必以秋水爲最

林天培又一邨吟草

存

天培事蹟詳先賢傳

盧厚山年譜

存

見畿輔叢書目

王廷紹澹香齋詠史詩一卷

存刊本

廷紹字楷堂大興人嘉慶四年進士官刑部員外郎廷紹貧而負氣傲睨一切音吐宏亮所至驚其座人詩學少陵沈著痛快性警敏多才藝斗室中雜蒔花竹狂歌泥飲灑如也詠史詩起莊周迄倪瓚共二百二十三首沈鬱頓挫議論所到筆力嶄然其自序云昔人謂作史宜兼才學識三長易而爲詠則有不能徑遂者矣樂府五七古可以已意爲馳驟束之於七律又有不能徑遂者矣或雪夜篝鐙或冰晨呵管或發豪情於酒瓊淋漓之下或寄苦調於五更布被之中是非懼謬於聖人歌泣欲通乎千載觀此可知其搜抉之苦心也性尤兀傲嘗以談語忤司寇某公幾爲所中同僚咸爲惴惴廷紹夷然不屑家藏古端硯長七尺餘阮文達元爲作歌曰王郎抑塞磊落才掃葉廷我來

秋齋籬腳黃菊立碧苔秋陰堂下多強楷齋中一硯真奇材端溪七尺橫安排以几爲匣髭髮胎紫雲綠雨摩幽崖平方正直誰量裁羲之宅裏一片階任人十手執筆來儘可一硯容其儕鏤墨無聲墨頓摧如蠟塗釜膩莫指曰非端州何石哉器大反與恆情乖楷堂寶此休輕開神寒骨重勿受猜急須刻字銘硯隈縉塵百斛無能埋歿後遺書散佚此硯亦不知流落何所矣

鮑克莊清穆堂詩

存

克莊通州人琮子嘉慶六年舉人肅甯縣訓導

徐銓藕船詩稿

存

銓號藕船大興人嘉慶十年進士河南光州知州

徐松新斠注地理志集釋十六卷

存 會稽章氏刊本

松事蹟詳先賢傳是書取嘉定錢坫新斠注地理志斠訂錯誤並改還錢氏臆改之處采

國朝名人訂漢志者書於眉端不能盡者夾籤於內松所自考加

松案二字本無書名手藁為姚方伯覲元所藏囑荃孫理藁爰

錄各條分綴本文之下屬會稽章大令壽康刊行以為讀漢志

者之一助原籤內偶有集釋二字即取以名其書

漢書西域傳補注二卷

存 道光九年刊本 指海本 式訓堂本

松在新疆時以師古所注未能賅博爰博采羣書證以今時疆域而成此注

元史西北地理考

佚

見沈垚金山以東地理釋

西夏地理考

佚

見沈垚與徐星伯中書書

新疆志略十卷

存 殿本

新疆入版圖已數十年未有專書松謫戍時出嘉峪關由巴里坤達伊犁歷四千八百九十里越乙亥于役回疆度木素爾嶺由阿克蘇葉爾羌達喀什噶爾歷三千二百里其明年還伊犁所經者英吉沙爾葉爾羌阿克蘇庫車哈喇沙爾吐魯番烏魯

水齊歷七千一百六十八里既覽其山川城邑考其建官設屯
旁及和闐烏什塔爾巴哈台諸城之輿圖回部哈薩克布魯特
種人之流派爰搜采事蹟稽核掌故以成是書於建置城垣控
扼險要滿漢駐防錢糧兵籍言之尤詳將軍松筠奏上之松水
道記西域傳補注皆詳古此書則詳今其體裁不同也自道光朝
將軍長齡定張格爾之亂同治朝今大學士左宗棠定白彥虎
之亂且與俄羅斯分畫畫界重定卡倫外藩部如烏梁海哈薩
克霍罕等部落均爲俄有建城駐兵屢有改易踵而修之是在
守土者已

新疆賦二卷

存 道光二年刊本 上海袖珍本

松在伊犁時所著新疆事蹟貫串古今卽以文筆而論亦宏中

彌外華實並茂

西域水道記五卷

存

第一二卷記羅布淖爾所受水三卷記哈喇淖爾所受水巴爾
庫勒淖爾所受水額彬格遜淖爾所受水喀喇塔拉額西柯淖
爾所受水四卷記巴勒喀什淖爾所受水五卷記賽喇木淖爾
所受水特穆爾圖淖爾所受水阿拉克圖古勒淖爾所受水噶
勒札爾巴什淖爾所受水宰桑淖爾所受水而各爲之圖其言
曰志西域水道難於中夏者三一曰窮邊絕徼舟車不通二曰
部落地殊譯語難曉三曰書缺有間文獻無徵如喀楚特西之
雅布塔爾水歸於西海宰桑淖爾溢出之額爾齊斯河入北海
中外所限固無論已卽近在邊內天山蔥嶺積太古之冰雪瑪

海噶遜亘千里之沙磧雖在章亥亦將裹足所謂舟車不通也
新疆之界回部厄魯特土爾扈特和碩特沙畢納爾諸種人處
其內扎哈沁烏梁海度爾伯特哈薩克布魯特霍罕布哈爾諸
種人環其外或逐水草或居城郭嗜欲不同言語互異
國語謂山爲阿林蒙古語則曰鄂拉回語則曰塔克西番語則曰
里

國語謂水爲穆珂蒙古語則曰烏蘇回語則曰蘇西番語則曰楚
復有重譯難通象胥不能盡解者懷鉛握槩烏乎志之所謂譯
語難曉也馬班始立大宛西域兩傳灼然可見者惟龜茲一河
蔥嶺一山而天山莫得其主名大河不知其分合自是以降水
經注最爲古籍乃以南河北河分入於海唐時又移置輪臺改
易玉門至於車師六國康居五城其可知者大氏茫昧所謂文

獻無徵也於是實非古地而附會者巴里坤有烏爾圖布拉
克蒙古語謂長流泉也諺謂爲烏圖水或以音近謂卽漢之務
塗谷蘇勒河在安西州或以音近謂卽漢之疏勒國又有實見
古籍而誤改者如胡桐見西域傳其叢生之地名胡桐窩或疑
爲烏巢改爲鷓鴣窠又交河城亦見西域傳或以回語音譌誤
交河爲招哈復有以譯語致誤者多歡渡口也而誤以爲水名
郭勒謂河也而誤作果爾爲地名踵譌貽謬不可勝言且新疆
之水有地異而名異者如布勒於河之下游爲錫古河額敏河
之上游爲西伯圖河有地異而名同者庫爾喀喇烏蘇境甯遠
城境特克斯河境特穆爾圖淖爾境皆有濟爾噶朗河古城境
喀什河境皆有吉爾瑪台水亦有名異而實同者洮賴河之作
討來洮賚陶賴桃來木素爾嶺之作穆素爾木色爾穆舒爾如

斯之類尤不易於決別松謫戍西域將軍松筠命撰新置事略
南北兩路壯遊殆徧每所之適攜開方小冊置指南鍼記其
川曲折下馬錄之至郵舍則進僕夫驛卒臺弁通事一一與之
講求積之既久繪爲全圖乃徧稽舊史方略及案牘之關地理
者筆之爲記記主於簡所以擬水經也又自爲釋以比道元之
注卽用酈氏注經之例記則曰導曰過曰合曰從曰注釋於經
水曰出口逕曰會曰自曰入於枝水曰發曰經曰匯曰以圖籍
所記異文踏駁使夫攬者歎其混淆一以

欽定西域同文志寫之而釋其可知者斯誠有條不紊矣

唐兩京城坊考五卷

存 連筠移叢書本 畿輔叢書本

松自序云余嗜讀舊唐書及唐人小說每於言宮苑曲折里巷

岐錯取長安志證之往往得其舛誤而東都蓋闕如也已已之
歲奉

詔輯全唐文於永樂大典中得河南志圖證以玉海所引禁扁所
載灼是次道舊帙其源亦出於韋述兩京記而加詳焉亟爲摹
鈔愛同球壁校書之暇采集金石傳記合以程大昌李好問之
長安圖作唐兩京城坊考以爲吟咏唐賢篇什之助

唐登科記考三十卷

存 鈔本

唐人登科記十餘家至今盡佚松編輯各書搜而補之用編年
之體先載詔書次科目次策問次登科人名次文字無則闕之
考異夾注於下爬梳細碎考證淹通有唐一代科名略可見大
概矣

顧亭林年譜

佚

見張穆顧先生年譜

崔廷詔萱華堂詩集

佚

廷詔霸州人此書見霸州周志

崔廷轍日省堂詩草

未見

廷轍霸州人此書見霸州周志

田文洛四銘堂詩草

存

文洛號雷門大興人嘉慶十三年進士官承德府教授

王墀游盤詩一卷

存

墀字步玉號六橋寶坻人嘉慶十三年進士官山西長治縣知

縣

崔偲蘭雪山房全集

存

偲事蹟詳先賢傳

王秋元蔭桐賸稿

存

秋元文安人嘉慶十三年舉人官至山東汶上縣知縣

李光里春熙堂詩一卷

存

光里字勉庵寶坻人嘉慶十四年進士歷官江西吉安府知府
陳運鎮序其詩云勉庵詩多得之舟車間大抵皇華原隰兼帖
吧杖杜之思不煩繩削自與古會時出雋語領異標新

楊鏌翠雨山房詩鈔

存

鏌字蘭皋號澹人涿州人嘉慶十五年舉人

楊銜鐵如意齋詩草八卷

未見

銜字叔冰涿州人嘉慶十八年副榜官樂城教諭

全史詩鈔八十卷

未見

此書見涿州吳志

雷學淇經說十卷補遺二卷

存

學淇事蹟詳先賢傳是書一周易二尚書三毛詩四周禮五儀
禮六禮記七春秋傳八論語九孟子十孝經爾雅補遺二卷自
序云淇讀書四十年好為討論之學每得一解必求其會通務
於諸經之文無所抵忤傳箋注疏取舍多殊非敢求異期於事
理之合云爾末學膚受難免拘墟是耶非耶是在後之論訂
夏小正經傳考二卷本義四卷

存

經傳考二卷本義四卷經傳考上卷考定經傳之文下卷錄諸
家論說而以己意斷之本義則考定經傳之文而為疏證
古經天象考十二卷

存

一元紀原始二三觀象四亨紀循斗五六定法七八九利紀治
歷十貞紀布憲十一述徵十二演緒每篇各有子目采錄古書
而以己意發明之後附圖說二卷

考訂竹書紀年五十三卷

存

是書考訂竹書紀年卷首總目略例紀年六卷紀年辨誤一卷
紀年考證一卷紀年年表一卷紀年歷法天象圖一卷紀年地
形都邑圖一卷紀年世繫名號圖二卷紀年義證四十卷略例
云紀年者魏史記也秦燒天下詩書諸侯史記尤甚春秋而外
獨紀年藏冢中獲免晉興既得是書命荀和衛東諸人遞相詮
次歷宋齊梁魏儒者咸寶守之蓋綦重也晉得是書列於中經
副在三閣杜預傳

劉逵摯虞干寶郭璞及徐廣裴駙陶宏景酈道元諸人多稱述之以為證據隋唐之際著作家亦多

徵引然諸經正義史漢注說每斥曰妄不以為憑故傳者日稀

積久褫佚宋史藝文志止載三卷原書十三卷朱子使林擇之求焉

且不獲今之二卷乃元明人所校宋本之殘缺耳予為是秦先

古書多三代真蹟甲子事實有益於世教者不少故從事九年

為之釐訂紀年起黃帝終今王周宣王後用曲沃晉魏之年以

夏正紀事六朝唐宋言者既詳今傳本二卷幽王後仍紀周年

用周正非竹書之舊也譌舛既甚放失頗多茲據載籍徵引之

文悉為校正各詳證據附見本條紀年體例與春秋同房元齡

管子注謂是周公之凡例也諸侯史記周禮謂之四方之志墨
子謂之百國春秋孟子曰晉之乘

楚之檮杌魯之春秋一也今紀中間有差異而實係紀年舊文者如是維若
陽是為桓

公黃帝至禹自禹至桀年九十八年九十四般侯子亥殷在蓋
鄴南依鄴侯子鱣立列會舉諡成湯元年之類皆與春秋異

紀出襄王冢此王未沒時魏之史臣纂錄古志及其國書附辭
紀下以便省覽進呈於王供檢閱者是卽紀年之傳矣其初傳
文必旁見側出與正紀不甚相淆特竹簡科斗書湮蕪歲久難
盡辨晰故晉時杜預郭璞已合紀傳同稱近時傳本溷亂尤甚
矣今所校訂凡紀文皆作大字傳文在紀內者以小字別之其
附於後者皆亞紀一字使傳與附注有別紀與體例無違紀年
有附注傳本謂出沈約不知果否母曰諸段辭義荒渺乃帝王
世紀文說出緯侯者沈氏旣采入宋書無應更錄於此相傳旣
久姑且存之其他注文唐宋人亦或稱引今別加注字竝爲勘
定李唐而後議紀年者多誣趙宋以來傳竹書者實誤誣者枉
正誤者失真知而不言毋亦後死者之咎矣作者考證一卷辨誤
一卷班馬二書久爲世重據文覈事每有難通三統歷增益歲

年六國表紊淆事實如商周御宇齊潛代燕紀載之譌遺誤不
少矣據紀年厯象歲差有定數無庸後代頻更史傳疑義可旁
通證以古經尤合網羅有自探討奚辭作紀年甲子年表列國
年表一卷大圖在上行健不息厯古迄今有何疾遲六朝來言
歲差者乃各不同此未考紀年六甲之故也三統三正卽史記
之斗綱三建司馬氏世掌天官所著十書此爲最古儒者不察
乃以湯武改正朔解三統沿譌非一日矣今參考漢以後法取
證秦以前書述紀年厯法天象圖一卷國勢必因山澤地利關
乎盛衰冀雍形勝實爲神臬徐豫土饒每多河患管子曰樹國
必於不傾之地此專以形勢爲言而在德不在險則所以長久
安者更有當務稽古者立言不擇甚謂禹有鴻溝之鑿湯爲迂
道之師證以竹書其誣立見作紀年地形都邑圖一卷司馬子

長以伯益柏翳爲二人謂黃帝至紂四十六世至武王止十九世自言姓氏所出竝舉重黎昔人嘗訾議之矣然成周以降日趨於文宗支別而氏族繁謚法備而名號衆加以烏焉字別雉兕音譌岐之中又有岐實非臨文者所能猝辨竹書所紀有異於舊說而實與經傳發明者是亦考古之一證焉作紀年世繫名號圖二卷疑必析乃明事無微不信晉獲紀年十三卷其說與秦漢來傳注多殊故當時王庭堅輩頗詰難之東廣微隨疑分釋作釋難一篇論者謂皆有義證惜其文今不傳矣考紀年所載與秦以前古經諸子史傳多符世因傳本殘缺尤詆議之因述束氏之意作議證四十卷

張琛律呂新書初解

未見

孫字問齋宛平人此書見畿輔叢書未刻目

算學算

未見

見同上

日鋤日記

未見

見洪符孫撰序

日鋤齋詩集

未見

見畿輔叢書目

岳音

未見

同上

陳震箕墅說書

未見

震文安人

陳克緒讀易錄

未見

克緒文安人

高繼珩樂城志餘

存

繼珩事蹟詳先賢傳此志系繼珩為樂城教諭時所修

蜨階外史四卷

存 咸豐十年刊本

是書雜記鄉曲委瑣之事用意深厚筆亦條暢記今居十之七
稽古僅十之一大半皆直隸事而順天尤多凡事有勸懲有關
系者悉采入志矣

養源堂文集

未見

見聽松廬詩話

培根齋詩集

未見

見同上

海天琴趣詞

未見

見同上

李雲章咫聞齋筆記

未見

雲章字子文號壽君大興人嘉慶二十三年舉人官撫甯縣教諭此書見沈濤交翠軒筆記

咫聞齋詩集

存

雲章詩古體雄深雅健嗣響三唐律句整練高華肩隨七子洵詩壇射雕手也

方履錢河內縣志三十卷

存

履錢事蹟詳先賢傳序錄載萬善花室文集

武陟縣志三十卷

存

序錄載萬善花室文集

永定縣志二十卷

存

見張成孫撰家傳

伊闕訪碑錄三卷

存葉本

履錢游伊闕時居山中巾月徧搜石刻得唐以前造象題名多至八百餘種人謂履錢造象題名大抵鄉曲愚夫婦所為無關學問履錢曰六朝人罹鋒鏑苦惑釋氏談思種福田以求生全其情可閔觀之可以識世變且題名中有名人游歷所至者考其年月可以證史傳異同豈無關學問乎

富蘅齋碑目六卷

未見

履籤酷嗜金石文字見有摹拓善本必重直購之先後所積幾及萬種多王氏金石萃編孫氏寰宇訪碑錄所未載編目六卷

希姓錄一卷

未見

見方駿謨先府君行述

泉譜一卷

未見

履籤與劉喜海考覈泉幣而為之譜

萬善花室駢文六卷續集一卷

存 道光己丑福建刊本 雲自在龕重刊本

履籤之學自天文地理氏族金石六書九章之法耆闍梵筴之書無不旁通博涉貫串洞達其駢文雄深渾厚典麗磅礴高者淵源兩漢次亦纂組六朝自嘉道以來以駢文鳴者移華館外鮮能抗手前集道光己丑刊於福建續集刊於常州而複法苑珠林序一篇並題目亦有漏落處

萬善花室詩集四卷

存

陸我嵩序云君學本六經沿洄於先秦兩漢扶樹風骨含咀英華發而為詩磅礴在中鬱紆在外皆忠愛悱惻之所流露信乎如萬斛泉觸地而出隨其形之大小聲之疾徐靡不中節

詞集二卷

存

履錢嘗與張宛鄰論詞故結響道潔抽思雋永

楊際運碧山草堂詩集

存

際運字士會號小厓涿州人鎡子嘉慶二十三年舉人官河南

羅山縣知縣

查默勤槐窗雜識

存

默勤宛平人監生

崔樹基福門全集

未見

樹基字福門霸州人嘉慶二十三年舉人

鄭成基東園集十二卷

存

成基字靜山大興人歷官四川建昌道成基初宦楚值楚氛惡
蔓延秦豫蜀寇亦蠡起隨大帥轉戰旋入蜀運籌帷幄險阻備
嘗發而為詩凡荒山窮谷可驚可愕之狀以及士卒之甘苦蒼
赤之流離罔弗形諸歌詠如守夔籌邊諸集尤見經濟

邵自祐蕙圃詩鈔

存

自祐號葵露大興人布衣

翟際華寒筍小草一卷

存

際華字樓塾甯河人僑寓盤山吟詠自遣歿後其友杜駿搜遺
篇付梓

王城萬里行吟草

存

城號金垣寶坻人諸生

劉栻一石山房詩一卷

存

栻字柏鄰寶坻人布衣

沈道寬論語比一卷

存 光緒三年刊本

道寬事蹟詳先賢傳是編因講學家盛氣凌人貽禍家國折衷
論語定其是非如論程伊川論張德遠論學統均極痛快實足
以發迂論之贖孽定學術之真偽不沾沾為魯論疏通證明也
六書稂秕三卷

存 刊本

篇韻類隔一卷辨析聲音之理至精至微篇韻正誤一卷補遺

一卷訂玉篇廣韻之誤偏旁點畫悉行改正

八書筌蹠一卷

存

是書專論書法大致與翁方綱之唐碑選包世臣之藝舟雙楫

相似

操縵易知一卷

存

序云琴理之失傳久矣紫陽朱子嘗疑其相生之數不符蓋相
沿皆以一絃為宮故由一絃之三分損一下生四絃四絃之三
分損一上生二絃至五絃羽音不能上生三絃角音惜未有以

考定一絃之非宮然亦足見大儒偶爲一事必求其所以然不
草草也至

國朝通州王坦吉途始細考三絃爲宮歷引管子白虎通諸書爲
之辨正作爲琴旨一書行世可謂千載卓識顧其緊絃換調一
說沿譌襲謬又貪求隱奧博引繁徵轉失辭達之旨乾隆時西
泠蘇璟琴山本琴旨之意成春草堂譜推求不轉絃而換調之
理亦極切當惟欲傳會一絃領調故多改前人之法謂一絃爲
君是黃鐘均而以古之正調宮音爲仲呂均蓋質言宮徵已悖
於三絃爲宮之理故別立名目殊爲庸妄又於七音遞用遞推
之義了無心得而謂變宮變徵不可入律其疑誤後人之處甚
多今歲與孫芝房孝廉重爲訂定而於王蘇兩家之說攻之不
遺餘力此非著書故不嫌辨駁又欲使人人易曉不敢博徵載

籍轉以世俗工尺字言之名之曰操縵易知但以論學者而已

話山草堂文集一卷

存

集中書學統後二文元祐黨籍論與論語比相出入而論之尤
暢餘文亦落落自喜不甚依附桐城派者

話山草堂詩鈔四卷

存

道寬詩出入於玉谿山谷之間而學問淹雅詞氣寬博詩人之
詩也

話山草堂詞鈔一卷

存

道寬詞筆婉麗清新逼真玉田白石

六義郭郭一卷

存

是書論詩近於詩話如云談詩者之聚訟無過性靈格律二者不可偏廢也舍性靈而言格律是為土木形骸舍格律而言性靈必至緬弃規矩淺人自矜已得論甘忌辛萬不足信則持平之談也

查林花農詩鈔六卷

存

林字松生號花農宛平人淳子官雲南州判林足迹徧天下其詩不主一家沈鬱頓挫間以流麗讀之令人神往前分有方集釀林軒草溟吟等子目

湘中志餘

未見

見采訪冊

張垆四書叢說

存

垆字魯坪號厚菴良鄉人潛心理學京江張錫庚序而傳之

正蒙臆說

存

見同上

李菡挹芳軒詩四卷

存

菡事蹟詳先賢傳此書見行述

雷學濤學蚓集

佚

學濤字松崖罇四子道光二年舉人

戴襄清磁州志

未見

襄清字鳧川甯河人道光五年舉人磁州學正夙耽書史手不釋卷此志蓋官學正時所修

魏人龍詩書易精義

存鈔本

人龍字景勳貢生通州人晚年從游之士甚眾此書蓋彙錄先儒精義闡以己意以示門弟子者

徐有壬務民義齋算學二十一卷

存

有壬事蹟詳先賢傳有壬精通算術是編測圖密率三卷橢圓正術一卷截球解義一卷弧三角拾遺一卷朔食九服里差三卷表算日食三差一卷造各表簡法一卷梓於尺進齋叢書其未刻者堆垛測圖三卷垛積招差一卷圖率通考一卷四元算式一卷校正開元占經九執術一卷古今積年解源二卷強弱率通考一卷總為務民義齋算學

劉錫恭海棠書屋詩文集

存

錫恭字恪菴通州人道光十一年舉人官唐山訓導

馮植蘭石竹山房詩集

存

植蘭字晉亭通州人

韓大椿讀左論說二卷

存

大椿字蔭鹿通州人廩生為學務根柢博通經史尤邃於周易

左氏此書見通州高志

凝雲書屋詩文集

存

見同上

餽釘筆記

未見

見同上

花甲日記

未見

見同上

崔侗三禮輯要

未見

侗事蹟詳先賢傳此書見霸州周志

三經管見錄

未見

見同上

谷應鳴必香室文集

未見

應鳴字嵩屏道光十七年舉人此書見通州高志

芸窗雜詠詩

未見

見同上

李翰文詩經附說

佚

翰文字墨緣通州人道光十七年拔貢生官平山訓導此書見通州高志

禮記附說

佚

見同上

于立垣秦中紀游詩草

未見

立垣字小蘭通州人此書見通州高志

廉兆綸深柳堂詩集

存

兆綸榜名師敏號琴舫甯河人道光二十年進士官至倉場侍

郎

王縉中庸解辨

未見

縉霸州人此書見霸州周志

崔宜枚詠齋全藁

未見

宜枚霸州人此書見霸州周志

王璐松霜閣印集

存

璐文安人道光二十四年舉人湖北襄陽府知府

松霜閣詩集

存

此書見文安采訪冊

楊翰粵西得碑記一卷

存
刊本

翰字伯飛一號息柯宛平人道光二十五年進士官至辰沅永靖兵備道是記作於同治壬申翰罷官往游粵西山水窮極幽窅不避風雨日在峭巖深壑間屢有所得如大厯平蠻頌摩崖舜廟碑獨秀山磨崖新開石室記孟簡題名李渤南溪詩南溪元巖銘李渤留別南溪詩元晦疊綵山記元晦四望山記李珣華景洞題名張濬杜鵑花詩李渤隱山摩崖其得碑之奇疑有神物導引者

金石書畫錄

未見

見息柯雜著自序息柯工書善畫酷好金石文字官永州時浯溪石刻搜剔無遺如元結右堂銘盧均題名均前人所未見蓋題跋鉅篇彙入此錄雜著所刻皆奇零小品也

裒遺草堂集二十一卷

存
同治辛未刊本

是集詩鈔十卷息柯雜著八卷系金石書畫題跋息柯白箋六卷則友朋往還尺牘也翰官楚南有政績生平長於鑒賞書畫金石收藏盛富詩亦清矯拔俗晚年罷官游粵番禺陳蘭圃先生贈以詩云海內老名士而今有幾人定交雖已晚同好自相親先生與余皆好金石文字客路雪方滿此鄉天早春驪歌且莫唱觴詠及

芳辰推許甚至而翰之學養亦可見矣

高靜看詩隨錄十八卷

存

靜事蹟詳先賢傳此書見甯河丁志

詩話一卷

存

見同上

周易參考一卷

存

見同上

著書隨錄八卷

存

見同上

慎菴古近體詩五卷

存 光緒六年刊本

見同上

許鈴周禮選要集注

存

鈴字金聲甯河人此書見甯河丁志

儀禮選要集注

存

見甯河丁志

劉通源六一小草

存

通源字鵬山諸生此書見甯河丁志

步岑剩集

存

見同上步岑通源別號

朱雲錦皖省志略

存

雲錦事蹟詳先賢傳此書系雲錦在皖時所編

豫乘識小錄

存

雲錦游隨隨筆所記

燕雨軒集

存

雲錦詩文合編

謝氏書目一卷

存鈔本

是書荃孫得之廠肆題曰北平謝氏藏書總目亦不知為誰書

分四部每條皆為解題間有考證讀書者之臧書也

王萱齡周秦名字解詁補一卷

存刻本

萱齡是書因高郵王尚書引之著周秦名字解詁闕疑三十一

事萱齡為之補釋究聲音之統貫察訓詁之會通有裨經學良

非淺鮮矣

昌平志稿詳紀錄順天事之書

毛登賢日記錄

存

登賢事蹟詳先賢傳錄記四十餘年事續修通州志多采入焉

李光庭吉金志存四卷

存 咸豐己未刊本

光庭事蹟詳先賢傳前二卷專錄錢幣後二卷錄及鼎彝鐘鐸之類略坳甄瓦傳形鉤摹光庭與劉位坦友善故所嗜亦同也
春雨草堂夢餘吟

存

見采訪冊

邵氏筠窗隨筆

存

邵氏文安人事蹟詳列女傳

筠窗詩草

存

見文安采訪冊

歸安姚凱元校

川方所云二百三

良文茂宋書冊

春

終身言正

書文卷四十七

